


I - PALLI



BIBLIOTECA LUCCHESI-PALLI
II.^a SALA


SCAFFALE 23
PLUTEO III
N.° CATENA 30

~~Pr. Sal.~~ 23. III. 30.
II



REGISTRATO

LA ROSA
FAVOLA
DI
GIVLIO CESARE
CORTESE.



IN NAPOLI,

Per Nouello de Bonis. M.DC.LXVI.

Con licenza de Superiori.

Ad istanza d'Adriano Scultore
all'Insegna di S. Marco.





de
m

Ch

M

REGISTRATO



L A R O S A

Chellera Posellepesca , che no Tosca-
nese decerria Fauola Boscareccia, ò
Pastorale , e se fegne ncoppa Posi-
leco , le perzune , che parlano
songo.

Mase nnammorato.

Fonzo compagno suio.

*Rosa vestuta da mascolo sotto nòme
de Titta.*

*Pascale viecchio patre de Mase, e
de Rita.*

Rita sotto nomme de Lella.

Gioia tenuto pe patre de Lella.

Preziosa vecchia.

ATTO PRIMMO⁵

SCENA PRIMMA.

Fonzo, Mase.

Fon. **S** Vsete, ed' iesce fore
Da sso casuorchio, ò Mase,
Prietto ca mo la notte se ne trase,
Ch'à gamme neuollo ne la fà fuire
L'arba nouella, che se vede scire,
Auza ssa capo, e bide
Commo isce bella, pentata, e galante
S'affaccia à lo pertuso de leuante,
E s'hà puosto de russo na sorella,
Pe parere cchiù bella :
Iesce Mase, cah' è tardo,
E te pierde stà vista :
Viene, e tienele mente ,
Ca cchiù de na lanterna stà sbrennente.

Mas. Che buoie frate , che bea ?
S'ogne chelleta bella
Fà chiù ncricare lo dolore c'haggio,
E refonne tormiente
A lo pegnato de le pene meie ?
Pocca se veo lo Sole,
Veo le trezze nnaurate,
Veo chill' vocchie nshiammate
De chi m'hà dato Ammore
Pe sopr'huosso , e pe spina de sto core,
E se veo la Luna,
Io veo lo frònte doue Ammore hà scritto

A 3

Lo

Lo torquato de sto cor e affritto :

E quanno voto l'vocchie

A sta Stella Diana,

Io m'allegordo de la torca cana ,

Ch'è accossi bella , e pò accossi m'accide,

Perzò meglio me pare

De stareme à lo bruoco ,

Che de ire allummanno cchiù lo fuoco. .

Fon. Chi te causa lo male ?

Tu non si niente digno de piatate,

Se tu stisso te daie

Co l'accetta à lo pede,

Chi vò hauere de te compassione ?

O puoie dicere mò , forza de stelle,

E fortuna, ed ammore

Fannò stare à sticchetto chisto core,

Stelle ste brache , ammore na caionza,

Fortuna na cocozza , l'hommo stisso

Se fa lo male, e corre à la cecata

A trouare li fuosse , ò negrecato,

Non vide scuro tene

Ga n'amaro crapiccio , e bestiale

(Perdoname se passo troppo nnante)

Te tira comm' à Bufara pe naso ?

Chi tè ncè mette à ghire spantecato

Pe na guitta pezzente,

Che pe fare co tico la schifosa,

Te fa stare co l'arma regnolosa ?

Tu vide, ca se ntoscia, e se contene,

E tu puro te ncricea

E te retira co le ntrate toie:

Ca la femmena sempe hà pe natura

De stare ntuono , e fare lo masauto

Co

Co chi la ferue, e cerca
De portarele l'acqua co l'aurecchie,
Ma pò tutta se fruscia, e coccioleia
Pe chi inaie no la prezza, e sempe mostra
De tenere à la cammara de miezo,
Perzò Mase nio bello
Non te mostrare tanto
Speruto pe ssa scrofa sciauratella,
Ca la piglie pe canna,
E quanno puoie hauere à buon mercato,
Si n'aseno accattare contra assisa,
Tu si bello, galante, vertoluso,
Saie putare, nsertare, e semmenare,
Saie fare li quatrette,
E schiocche, e rammagliette,
Saie sonare lo frauto, & haie trouato
La quarta corda à l'arce colascione
Saie portare lo carro,
Haie lo puorco à la casa, haie lo sōmarro;
Tu vieste de cerrito;
Haie l'aniello à lo dito,
Si saniccio, si giouene chiantuto,
Ch'ogn'autra giouenella
Nc' aprerria tãto d'vocchie à stò partito;
E tu cirche, e tu vuoie
Dare confiette à puorce?
Fuorze n'hauimò autro aseno à la stalla?
Fuorze pe ssa montagna
Non ncè sò ciento belle, commo ad essa?
Ntonate tũ perzine,
Se ne vuoie de la quaglia,
Sprezzala ssa vaiaffa,
Amma'chi t'ãma, e chi non t'ãma lassà.

Maf. Ohimmè tu me sficcaglie
Co dire male d'essa,
Ch'è lò quinto nascienzo de sto core,
Che la lanza appontura
De lo golio, che n'haggio,
Corra ad autra quintana,
Ch'à le bellezze soie
No lo credere maie,
Leuatello da chiocca,
Ad essa me sò dato,
Si non pozzo hauer'essa, io sò barato:
E fi che st'arma scura
Se Scrafta da sto cuorpo,
E fi che st'uocchio nigre
Io chiuda pe la porua,
La voglio scotare,
Essa crodele me spertosa, e fella,
Ed io co la proffidia de Carella.

Fon. Accossi buoie? accossi sia, legammo
L'Aseno doue vole lo patrone,
Io t'haggio ditto mò lo pane pane:
Ma pocca non te trase pe l'aurecchia,
E tu canusce l'aglio da la fico,
Appilo, e stongo zitto,
Fa chello, che te piace,
Ma famme no piacere,
Contame pe lo filo,
Quanno, e de che maniera
Trasiste a stò mastrillo,
Ncappaste à sta vescata
D'essere schiauo à chessa perra sgrata.

Maf. Ohimmè, ca de l'amante,
E' ghiusto comm' à cantaro la doglia,
Quanto

Quanto renuote cchiù , tanto cchiù fete.
 Fon, Ch i n'apre canna , quāno vā pe mare,
 Sempe le vota capo , e lente affanno :

Mas. E se non vao pe mare,
 Tornance, done sempe
 Haggio viento contrario , e stò lontano,
 Poco cchiù de doie deta da la morte.

Fon. Frate pe diretello
 Lo fieto de crauune , quanno è nchiuso,
 Accidé le perzune,
 Cossi doglia d'ammore
 Se tu la nsierre smafara lo core ;
 Perzò sbotta spapura,
 Ca chiacchiaranno (ò Mase) cò l'ā mico,
 Sempe manca de piso lo tormento ,
 E mentre che se parla troua abbiento.

Mas. Pe te dire lo vero.
 Tu si buono à commertere lo mpiso
 Tanto, che me strascine co no straolo
 A dire chello, che m'affric, è dole.
 Non saccio, ò Fonzo, se te vene à mente,
 Ca morte se cogliette
 Chillo shiore addoruso
 Ch' à l'huorto de stò core
 De mano propia hauea chiantato aīnore?

Fon. Saccio ca dintò mare
 Fecce lo papariello,
 Pe quanto nce decette
 La mamma scura , che pe gran dolore
 Attaccaie na veslica
 De la vita à là coda,
 Ch'ancora creò ca corre.

Mas. Orsù, no iuorno stracco
 De fare tanto triuolo, e sciabbacco

A 5 De

De chella gioia mia , c'hauea perduta,
Aslettato à lo frischo sotto n'vrino
Me ne stea co la mano
Sotta la varua , e ncoppa lo denuccio
Lo gueto appoiato,
Quanno eccote venire
Na maniata de Zitelle zite,
Che portauano à mammara nocella
Vna de lloro, la cchiu penta , e bella,
Hora chesse arriuate
Nante à me cossi pede cata pede,
Vna de lloro disse
Pigliala Cammarata ,
Cà sta sciorta à te schitto è destenata ;
Io tutto de no piezzo
Restaie à ste parole,
Commo no caparrone,
C'haggia visto lo Lupo.

Fon. E perche te faccuano sto duono ?

Maf. Siente si nponta, e chella me decette,

Non te mmarauagliare,
Si te faccimmo stò bello presiento,
Chè bale quattrociento ,
Pocca è soletto nuostro
De iocare ogne festa
Sempe à lo tuocco à chi vene la Sciorta-
Che sia portata mbraccia,
Con patto che sia data
A lo primmo ch' ashiammo ;
Mola ventura è toia , viato tene,
A te cade sto muorzo, eccote Lella,
Susete , e pigliatella :
Io, che maie tale femmena hauea visto,
Pocch' ella è forastera, Sub-

Subbeto appezzaie l'vocchie à chella rara
 Bellezze cosa, e disse,
 Da quale cielo è chiuoppeto stò bene ?
 E da quale lanterna contra banno
 Esce stà bella luce, che m'affosca ?
 Chesta non fù parola,
 Ma propio magriata,
 Che lo caso recotta
 De chella bella facce
 Tenze tutto de russo,
 De muodo, che se fece assai cchiù bella,
 Auzate da sò nietto, chi poteua
 Repararese tanto,
 Che non fosse cogliuto da chille vocchie
 Belle micce allummate,
 Che fecero sparare
 Li triche tracche de le boglie meie ?
 Fà cunto mò ca la bellezza granne
 De chillo nuouo scuntro
 Fu no scacamarone
 Ncoppa lo nomme de chell'autra, ch'io
 Hauea perduta, e chianto
 Co l'vocchie pisciarielle ;
 Mentre cchiù de tre bote
 L'aiero è stato co le doglie fredde,
 Ed autro e tarro co le stufe secche ;
 Ma mentre à canna apierto,
 Co l'vocchie me gliottea stà bella cosa
 E tanno pe pigliarene possesso
 Già stenneua la mano ;
 Redenno se mettertero à suire,
 Ed io senro restaie à stò corriuo
 Co no parno de naso ;

Ohimme, ca parze suonno
 Quanto me ntrauenetre,
 Ma nou fù suonno la feruta, e'haggio
 Dinto à sto pietto:ohimè, che tra le burle,
 Trà li delliegge, ammore
 locaie da vero, e se tiraie de chiatto,
 Couze de ponta, e già la vita mia
 Hanno puosto à lo ncanto
 Speranza, e doglia; e adesa,
 Commo à plus offerente,
 Se stuta la cannela à lo dolore,
 E Mase tuo se more,
 Se tu nò lo soccorre, e mmizze commo
 Pozza co chiante, e prieghe
 Fate l'ammollamiento
 A la posteoma accrua
 De lo core de Lella (bella,
 Tanto echiù tosta ohimè, quanto echiù
 O se nò, pe piatate
 Damme à stò chierecuocolo na sera
 Quatto saglioccolate,
 E cacciamme da stiento
 Ch'è meglio essere muorto; ea ntormi
 Fon Zitto ca t'haggio ntiso,
 Iammo pe chesta via, e'haggio penzato
 Lo mbruoglio, e pe cammino te lo dico,
 O sò scorza de chiappo, ò buono amico

SCENA SECONNA.

Preziosa, Rosa sotto nome de Titra.

Pre. **A** Mè che songo vecchia, e che
 mutato (buono
 Haggio le primme aurecchie, e faccio
 Sfe

Sfe chelle de lo munno
 Puaie dire quanto haie neuorpo,
 Massema ca te voglio
 No bene sbisciolato,
 Commo se fusse sciuta da sti rine.

Tit. Mamma, ca mamma mia te pozzo dire,
 Si bè co lo parlare
 Iongo sopra lo cuotto acqua volluta,
 E sfofo lo rechippo a lo dolore;
 Puro te voglio dire pe lo filo
 Lo cunto de le pene,
 C'haue stipate ammore,
 Dinto lo scrigno de st'affritto core,

Pre. Faie buono figlia mia,
 Ca chi nò sbotta crepa.

Tit. Da quanno era fegliola,
 Che n'hauea visto ancora
 Dudece vote pennere da l'aruole
 Le pruna cogliapiecoto, e le fico,
 (Scura me) fuie de pesole pigliata
 Da li sbirre d'ammore,
 Senza sapere commo, e posta ncippe,
 E se bè à primmo ncuntro,
 Lo tradetore, pè me coffiare,
 Me mostraie bona facce,
 E me prommese lo troue, e lo monte,
 Commo nce fuie ncappata à la tagliola,
 N' hà mancato ped'illo
 De fareme morire ashieuoluta,
 E già nce stongo mpizzo.

Pre. Hagge speranza (ò Rosa)
 Ca quanno ammore à lo prenzipio è forte
 All'vtemo è no mele,

E quan-

E quanno è doce nprimò appriesso è fele,
Cà disse buono Ambruoso,
Chillo tanto saputo,
Che sempe, che chiovea, te sapea dicere
Ca facea male tiempo;
Disse na vota, siente,
Ammore, e lo cettulo vanno à paro;
Doce è la ponta, si lo culo è ammato.

Tit, Mara mè, maie docezza

Me facette prouare sio cecato,
Ma sempe oro pommiento, e solemato,
Da che me ncatenaie
Pe sio cane de Mase;
E se puro no poco de piacere
Prouaie, mentre lo sgrato
Me facette buon vocchio, e bona cera,
Sempe fù ntronolata l'allegrezza
Da la paura, che non me fortelle,
(Comino è sortuto pò) sto bello scuoppo,
Happe paura sempe, che lo viento
Me lo leuasse, ed ecco ca lo viento
Me l'hà leuato, e m'hà leuato puro
Ogne speranza (negrecata Rosa)
O quanto buono chillo gran faccente
Corza d'aseno (disse) poco dura,
Bene mio ca non tanto se mostraie
Caudò de rine à chella accommenzaglia,
Quanto à l'vtemo po friddo, e ghielato
S'è fatto; ohimmè, ca si à millanta vote
Me disse, core mio non spannerraggio
Maie la colata de le boglie meie
Ad autro sole, ch'assè toie bellezze:
E pe tale nsignale

De -

Decette à mamma mia (Dio le perdona,)
 Ca me volea pigliare, e me voleua
 Nò schitto senza dota, e senza niente,
 Ma de cinco onze me volea addotare,
 O parole de viento,
 O prommesse de sera, ecco che ad autro
 Sole se scarfa, & io
 Me spizzolo li diente
 E puro campo, e shiato à sti tormiente.

Pre. Dimme se Dio te pozza conzolare,
 Comino hà cagnato voglia,
 Fnorze la mamma toa guastaie la tramma
 De sto bello filato ?

Tit. Ahimmè, ca mamma mia
 Non vedeua maie l' hora
 De vederence nzieme annodecate.
 E facea co le deta
 Lo cunto de li iuorne
 Aspettanno chell' hora desfiata,
 Ch'io me fosse cù Mase nguadiata;
 Mà mentre la scuressa
 Me facea lo corriero
 De spingole, shioccaglie, e zagarelle,
 E shaurille de vrito:
 Ecco quanno na sera
 Iea cò chillo negotio à la marina,
 Ne fuie zeppoliata da na varca,
 Che ghieua ncurzo, ahimè ch' àcora trèmo
 Quan o nce pèzo, e faccio mille vierme,
 Ma penzanno meschina
 De ire ad' hora ad' hora
 A fareme chiauare à no ferraglio;
 Lo viento accompagnato

Cò li sosoire micie, crescette tanto,
Che frusciano lo mare,
Le facette saglire
La mostarda à lo naso.
Hora mò n'autra femmena sarria
Morta de cacaneffa, ed io contenta
A le sette chianete faccia ire
Le pregarie, che nnante se spaccasse
La varca dinto à l'onne,
Che non fosse spaccata
La bella varca de lo nore mio:
Cosù stanno desposta de morire
Nante, che semmenare
Semmenta de vregogna à l'huorto mio,
Voze la bona sciorta, che la varca
Votata à spettorune da lo mare
Deze de pietto à Termene Necessilia,
Doue li Turche foro fatte schiaue,
Et io pigliata cchiù morta che bina,
Me tornaro lo spietro, e lo shiato
Chelle bone perzane, e llà restae
Npotere de na femmena da bene,
Che me tenette propio commo à figlia
Tre anne iuste, che da chella notte
Sempe nfunno à no lietto
Stette rionta, e penata,
Ma subbetto che porte auzare capo
Decenno à mille grazie a Ghiacouella,
Chella che me tenette;
Me chiauaie priesto dinto na Felluca,
E tornaie ccane, ohimme fosse venuta
Co na gamma spezzata,
O fosse morta quanno era Necessilia,

Pè

Pè non trouare tanta gran roina,
Trouo mammama Renza iuta à mitto,
Trouo, chello, ch'è peo,
Mase ped'autra muorto, e spantecato,
Ed à fatto scordato
De l'ammore de Rosa,
Commo se maie l'hauesse canoseiuta,
Chisto è-lo chiuouo, Preziosa mia,
Che me percia lo core,
Chesta è la totomaglia,
Che me face abbottare, quanno veò,
Ch'autro Aseno se pasce l'erua fresca
De le speranze meie.

Pre. Mase sà ca si biua?

Sà, cà si à sto p'iese?

Tit. Non haggio hanuto core,
Mentre isso non hà fede,
Che buoie, che baga ad isso pe lo riesto
De lo carrino, e che me faccia fuorze
Qu'iche scuorno chiù peo? vasta lo, sgrato
Co lo sciamarro de la erodetate
M'hà sfraccata da lo pietto suoio,
Non ne voglio autra fede, io sò chiaruta;
Resta schitto, ch'io faccia
L'vtema fede ad isso de l'ammore,
Che le porto, spilanno lo varrile
De sta vita dolente,
Doue isso sia presente.

Pre. Rosa mia, tu n'haie visto

Lo Lupo, e fuie, ancora tu non saie,
Se te vò bene, ò male, e te despiere,
Iammo à trouarelo hoie,
Dille ca tù sì Rosa,

E pro-

E proua, e bide, e tocca

Se impietto ad isso nce lampeia, ò shioccā.

Tit. Lampeia si pe Lella,

Ma pe mene chiouelleca la ncue.

Pre. Chillo scuro se crede, (morta,

Che singhe (vh quanto hà mò) fraceta, e

Pocca mammata negra,

Pe potere appilare

Le male lengue, c'hauar riano ditto,

Ca te n' iere foiuta,

Disse ca vrocio latte

I'e ssa montagna à mare, e c'annegaste,

Ssa boscia fù gliottuta

Da tutte, e cchiù da Mase pueriello,

Che te chianze no piezzo.

E se bè tutto ardeua,

All'vtemo passanno chella state

Se voze prouedere pè lo vierno,

Perzò fatte à bedere,

E cò la mazza de ssa bella razia

Scazzella l'vno, e l'autro,

Ch'affè tù l'anneuine,

E Mase sarrà tuo

A desfazio de tiempo, e de fortuna.

Tit. E à me dice lo core,

Ca Mase mio dirrà, veniste à curto,

Autra bellezzetuddene me scarfa,

Autrà chelletta m'ashio n fantasia,

Lella è la vita mia,

Tù che ghiste, e beniste,

Lo luoco te perdiste.

Pre. E che saie tù se dice,

Singhe la ben menuta,

Etc

E te stregne , e t'abbraccia,
 E ammore co' lo iunco
 Lega sta sarcenella
 De Mase vertoluso , e Rosa bella ?

Tit Non veo maie sta iornata,
 Nò nasciette à stà sciorta, à stà chianeta,
 Chisto è chiaieto scomputo,
 Mase è de Lella, e Rosa l'hà perduto.

Pre. Sta zitto Rosa, e parola hagge à mente
 Ca non faccio chi vene.

Tit. Vene chella varucra, ch'ogne ghiuorno,
 Co la pizzecarola
 De le bellezze , spenna Mase mio
 D'ogne voglia , ed à me con la lanzetta
 De gelosia me nzagna
 A la vena de l'arma,
 Vi se la puoie scanzare
 Ntuorno à st'ammore, ch'io da ccà dereto
 M'accono guatta guatta.

SCENA TERZA.

Preziosa , Rita sotto nomme de Lella.

Pre. **B** En venga stà Fegliola,
 Chisto shiore de Maggio,
 Sfo ichiecco de bellezza,
 Sta Luna quintadecema retonna.

Lel. Non serue sto dellioggio
 Maddamma Preziosa,
 Non m'hà fatto cchiù bèlla la natura.

Pre. Perche non te poteua
 Fare cchiù bella, ò Dio tu si na Fata,
 Hà ragione chi spanteca pe tene,
 Nè penza ad autro, ed à lo pane caudo
 De

De le boglie non vole

Maie autro companaggio che sta vista.

Lel. Mo si ca tu me cieche, e me mpapuocchie

Co chissè vantiamente, a chesta facce

Non c'è cane, che nc'oseme,

Ed io da l'autra banna

Haggio autro nchierecuoccolo,

Che de cercare appriccio à no verrillo

Oua de lupo, e piettene de quinnece.

Pre. O bravo, è commo tene

Forse à la corda, io maie mè lo penzaua;

Lella mia, se tu cride

Na'connere l'ammore,

Tu pische poco a funno;

Ca tre sò chelle cose a chisto munno,

Che quanto cchiù le cride neaforchiare

Cchiù le bide affonmare, e scire fore

Tossa, Rogna, & Ammore.

Lel. Sore mia tu sbarie,

Quale rognà? che ammore?

Non faccio, che te dicé,

Ore n'fuoine, ò da fore

Vace lo pognatiello

Da chisso celleuriello.

Pre. Miette lo dito mmocca a sta fegliola,

Commo fa de la nsemprere la scura!

Non sape manco ntrouolare l'acqua,

Ma puro sà pigliare

Dinto a lo caruattolo

De le bellezze de chella faccella

Li Nnamorate, comin' à cestarella.

Lel. Hora bona pozz'essere, tu puro

Accossi me la tiene?

Pre.

Pre. Lella mia, vi ca songo
 Passara vecchia, e saccio quanta para
 Fanno tre buoie, io te canosco nune,
 C'haie pigliata la pasta.

Lel. A che me lo canosce?

Pre. Me lo dicono st' huocchie tentolille,
 E trasutielle ndinto,
 Me lo dice sta facce,
 Che pare coda de no pappagallo,
 Ca tu muore speruta
 D'hauere notte, e ghiuorno sempe à lato
 No marito ntrocchiato,
 Tu te faie rossa, non te vregognare,
 De me te puoie fidare, & io te posso
 Dare aiuto, e conziglio,
 Tu sospire, tu triemme,
 Tù piglie pe lo dire, e pò te piente;
 Tù mo spaparanzie
 La porta de la vocca, azzò che n'esca
 La voce, mo nce mietie la soppona?
 Già noi simmo de preta,
 E parle pò cod'vna.
 Che quando è stata giouene hà passato
 Sti guorfe, e ne fa scire.

Lel. Sore, vuoie che te dica?

Tu pische da lo puzzo de sto pietto
 Co la vorpara de sta chiacchiarella
 Chello, che non vo Lella, (zo
 Ma pocca me ne'haie cuoto, & io nò poz-
 A st' i ntrollogatorie stare forte,
 Io non voglio negare,
 Ma voglio senza corda confessare,
 Ca squaglio commo grannere a lo Sole
 Ca

Ca me doglio, comm'arzo ,
 E bao strillanno sempe ,
 Commo gatta lo Marzo,
 Pe no core cchiù tuosto de pepierno,
 Tanto, che s'io non l'haggio na iornata
 Ste granfe adduosso, moro desperata.

Pre. Ah Rosa , se ne vene
 Mò palillo palillo ; io lo diceua
 Cà cchiù priesto farria
 Senza stelle lo cielo,
 Senza pesce lo mare,
 Senza shiure lo prato,
 Ne se vennerria niente à lo mercato,
 Che tu scarza d'ammore,
 Ma dimme chi te smafara lo core ?

Lel. Lo bello cucco pinto de ccà ncoppa ,
 Chillo, che co la viita
 Tira fauorre all'arma,
 Chillo, che co la voce
 Fà ire l'arme nsiccolo à le stelle,
 Chillo , che comm' à pettene de lana
 Carda sta vita, e pò non n'hà piatate.

Pre. Chillo more pe tene,
 Chillo farria pe te moneta fauza.

Lel. M'odia cchiù , ca la lecora la gatta.

Pre. T'amma cchiù ca la lecora la noce.

Lel. Fuie da me , commo crapio da leuriere.

Pre. Commo leuriere crapio te secuta.

Lel. Hà de me lo golio,
 C'hà no malato de la mmedecina.

Pre. Hà de tè cchiù golio
 Che de la sanetate no malato,
 Eh tù bè te lo bide

Lel. Vego ca me coffie , e beo , ca vuoie

Ven-

Vennereme vessiche pe lanterne.
 Pre. Me vighe morta Lella, se te burlo.
 Lel. Non è papocchia chessa,
 Dire ca mè vò benie
 Vno, che me vortia vedere mpesa
 A n'aruolo de chissè?
 Pre. Io faccio ca pe tè tornato è pazzo,
 E squaglia, e bace nsummo. (Speresce
 Lel. Chi? Pr. Mase. Lel. Quale Mase? Pr. Chi
 Pe sse bellezze. Lel. Vh quanto
 Tù si ghiuta lontano. Pre. De chi parle?
 Lel. Parlo de lo crodele,
 C'hà fatto na carcara de sto pietto,
 Parlo de chillo shiore,
 Che non hà spine, e pogneme lo core.
 Pre. Figlia mia non te ntenno, (Titta,
 Parlame chiaro Lel. Ahimmè parlo de
 Gioiello de chist' uocchie,
 Cortiello de sto core.
 Pre. Tè 'l manco pe cient'anne te ntenneua,
 Io credea, che pe n'autro (Mase,
 Tu parlasse. Lel. Pe chi? Pre. Credea pe
 l. Va bene mio, ca Marzo nè lo rase,
 Hà pigliato Vaiano,
 Ca co mmico non pò maie leuar'acqua,
 Titta è lo core mio, e faccio, ch'isso
 E tutto cosa toia, e stace à tene
 Votarelo comm' argata, perzone
 Io te prego, e straprego,
 Che co belle parole
 Facce, me voglia bene,
 O ch' à lo minanco schitto,
 Na vota sola voglia ausolare

No

No tierzo manco de li guaie , che pato,
 Haggia stà sfazione,
 Haggia sto gusto sulo,
 E pò me felle, comino no cetrulo.

Pre. Eccome ccà pe tene à barda , e à sella,
 Commanname à bacchetta,
 Spacca, e pesa quant'cie,
 Ch'io songo pronta à fare
 Propio pe te cose de l'autro munno,
 Puro che sia contenta , e conzolata
 Sfa bella facce d'oro mprofecata,
 Tu non l'haie ditto à furdo,
 Iammo ca vedarraie
 Nfilà perne à lo spito.

Lel. Iammo ca se nce arriuò
 A casa de Barone
 T'accatto no corzetto, e no icppone,

SCENA QUARTA.

Pascale, Gioia.

Pal. **V**iene ccà Gioia frate,
 Cà co sta lingua toia
 Alleggerisce nparte st'arma negra,
 Gio. Haie buon tiempo Pascale,
 Nigro songo io , che stongo
 Chino si ncanna de lassame stare.

Pal. Tu gualie ? potta de la vita mia,
 Tu che gaude à sto munno ;
 E te piglie lo tiempo comino vene;
 Lassa chiagnere à inene,
 Strillare, e fare triuolo, e schiabbacco,
 Tocca da che perdiotto
 Chillo gioiello d'oro

De

De la fegliola mia, tengo sto core ,
Commo na cemmenera,
Tutto folinia , e nigro de dolore.

Gio. E de che sto te piglie cardacia?

Bello caccialo à pascere, vozzacchio;
Pe l'arma, zitto, non me fa iorare,
Cas'io potesse, pigliarria nò sacco ,
E quanta femmenelle sò a lo Munno
Ncè mpezzarria, pè le ghiettare a Mare ;

Pa. E la fegliola toia?

Gio. Chessa nnante de tutte .

Pa. E perche tanto male ?

Gio. Perche sò causa a l'hommo poueriello

Sempe de quarche danno ,
S'haie femmene à la casa ,
Haie na freue, na gliannola, no boia,
Che sempe te tormenta,
E figliama tra l'autre ,
Ohimmè, che pena, ohimè che bota capo,
Fà cunto c'haggio propio na Marcia ,
S'io voglio fa carizze à lo porciello,
Essa lo caccia, e s'io voglio cantare ,
Me dice , appila, ammafara, ca scite
Sti vecine ccà ntuorno ,
E s'io pò me percaccio quarche cosa ,
Terratienete; subbeto me dice,
Tornalo à lo patrone
Cannaruto, latrone, e de manera
Mette la lengua nmota ,
Ch'io iastemmo, e mmar dico
Chillo cacciamonnezza de la morte ,
Che non vene co cuofano, e co zappa
A pigliarese priesto ita lotamma ,

La Rosa.

B . . . Che

Che m'ammorba la casa.

Pas. Haie tuorto frate, figliata è fegliola
Da bene, e te conziglia

Cose norate, ca' non vò lo stuorto.

Gio. Vo lo deritto addonca?

Pas. Penza, ca non è ghiusto
Volerene pescare chello d'autro.

Gio. Te, a, ta, nneuenata,

Va'tornatenne bello vozzacchione,

Non saie commo se dice?

Chi n'arrobba, nò ha robba,

E chi non haue niente,

Non troua maie ne ammicce, ne pariente

E se pò bello spizzolà li diente.

Pas. Besogna cò sodore, e cò fatica
Guadagnà la panella.

Gio. Va ca non te ntienne,

Non cè hommo a lo munno,

Che non mena l'ancino

Ognuno ietta doie, e piglia sette,

Va, c'hāno apierto l'huocchie li gattille,

E granne, e peccerille

So tenute sapute

Quanno sapeno buono arrauogliare,

Pecchè dapò tant'anne,

Che lo pouero Munno hà studiate,

All'vremo hà trouato,

Che chillo c'hà tornise,

E' nobele, e norato,

Se bè fosse no piecoro, ò crastato,

E chi non hà, sia puro vertoluso,

E de bona ienimma,

Ca se la vorza è gramma,

E reuuto pè n'aseno nmardato, Ma-

Maro mē sfortunato,
 Ca ped'elsere sbriscio,
 Senza na maglia, e granno
 Quanto no campanaro,
 Nullo me tene mente,
 Macare hauesse addoue
 Mettere la manzolla, comino a l'autre,
 Ca lo cchiù che ne pozzo
 Zeppoliare è quarche fiuttetiello,
 Campa mo poueriello.

Paſ. Gioia l'hommo de nore
 More, nnanze, che fare
 Cosa, chè non conuene,
 Otrà pò che li latre
 Sò buone casticate,
 Ca ncappano bè spisso à la tagliola;
 E fanno de le spalle
 Grata, doue lo Boia
 Vatte la lana de lo vetoperio,
 O trauaecanno ncoppa na galera
 Correno lanze ntuorno la marina,
 O serue de montagna
 A lo giagante, ch'accide le gente,
 E non saglie à fa guerra à li ceiore.

Gio. Chesso mo no lo ntenno.

Paſ. Dico, ca se le face
 Na cannacca de cannauo à forcella.

Gio. Te ntenno, ma perche n'è stato mpiso
 Lo farcone de chillo cacciatore,
 Ch'arrobbaiè la pernice?

Paſ. Mè faie ridere Gioia, e stò malato.

Gio. Tu non faie lo triunfo,
 S'arrocchia la pernice lo Farcone,

Sè nè mancia la capo, e l'autro riesto
 Se mancia lo patrone,
 Perzò non pate pena,
 Eh lo voie non parla,
 Perch' hà la lengua grossa,

Pas. Gioia viato tene,

Cà t'è lizeto dire quanto vuoie.

Gio. Frate Paschale, chi non parla abbotta,
 E pò chi abbotta crepa,
 Saie che disse no Miedeco na vora,
 Ca chi vò stare buono,
 Quanno le vene na ventosetate,
 Se la lasse scappare, ca se scappa
 Da na gran malatia,
 Da nuie arrasso sia.

Pas. Lassammo chisso cunto,

E tornammo de razia à li guaie nuostre.

Ca pazze, e peccerille quarche bota

Sapeno nneuenare:

Che te dice lo core? che te pare?

Ashiarraggio sta figlia che perdiette[?]

Gio. Non ne passa sta sera.

Pas. Passè lo chillò buono, e dica ammenne,

Eh se chesso nnevine,

Che bello veneraggio te guadagne,

Gio. Dammillo mo, ch'è meglio

Hoie l'vuouo, cà pò craie la gallina.

Pas. E se pò n'è lo vero?

Gio. Pigliate Lella mia, ca te la dongo,

Fà priesto, che me daie?

Pas. Te dongo lo Sommarro.

Gio. Chisso vò troppo spesa:!

Damme nante na gatta cacciatrice,

Che me leua de casa

Cier-

Cierte nepute micie, che notte, e ghiuor-
 Me chiammano Ziò Zio, (no
 Otra che pò chill' Aseñello tuio,
 E sgrato, e scanoscençe,
 Che l'odio a morte, e se potesse, mone
 Ne veuerria lo sango.

Pal. E che cosa t'hà fatto?

Gio. No ruorno lo vediette

A n'aruolo legato,
 Che cierte peccerille marranchine
 L'haneano puosto, pe lo fa saltare,
 Sotta la coda na vranca de spine,
 Io n'hauiette piatate,
 Caccio chella marmaglia, pe le fare
 Chillo semitio, ed auzolè la coda,
 Pe leuare le spine, ed islo cane
 (Tiente ch'a mille razie)
 Spara tutto à no tiempo lo traitore
 Doie pedeta, e duie cauce,
 Che chisto naso, e chisto arco de pietto
 Senteno ancora a tutte quante l'hore
 Lo fierto, e lo dolore.

Pal. Zitto ca sò scosuto,

Cà sò pisciato sotto de lo riso,
 Iammoncen ne da cca, che singhe acciso.

C H O R O.

O Quanto disse buono
 Chillo non faccio se ferraro, ò cuoco;
 Ch'Ammore chiammaie fuoco,
 Fuoco de che manera,
 Le ceda ogne carcara, e cemmenera,
 Fuie, guarda la gamma
 Vecino abbruscia, e da lōtano mshiamma.

B ; AT-

ATTO SECVNNO

SCENA PRIMMA.

Mase, Fonzo.

Mas. **H**Aie penzato de truono, (duto,
Brauo à la fè, maie l'hauarria cre-
Potta de Iuda, e commo cola à chiùmo!
Nsōma è meglio n'ammico de no regno,
E ammico comm' a te. Fonzo mio caro.

Fon. Sò le bertute toie.

Mas. Titta è no buono ammico,
E da che ncè venette à sta montagna,
C'hauarrà mò scie mise,
Sempe me s'è mostrato
Ammico scorporato,
Ed è la mamma de la cortesia;
Perzò confido, ca vedennao quanto
Chelso me mporta, senz'autre parolc,
Tutto se sbracciarà pe m'aiutare
A cauce, e à muorze, già la cosa è lesta;

Fon. Spero che benga ianca sta colata,
Perche tutte le cose vanno a pilo,
Eccolo cà mò vene,
Hauesse nnommenato ciento scute,
Hora parlale tù, cà fra sto miezo
Mè stenneo fi a la Casa,
Pe mettere li shiare a li quatrette,
Pò torno ne no zumpo
Nnante che seccha, tè, chesta spotazza.

SCE-

S C E N A S E C O N N A .

Rosa sotto nome de Titta , Mase.

Tit. **N**On pozzo hauere male stāmātina,
 C'haggio sto buono scuntro ;
 Ben venga Mase , cinco , e cinco à decc,
 Oh che preiezza granne
 Senno, quanno te veo.

Mas. Ed io perzì vedennote , me vene
 Da li tallune l'allegrezza , e cride,
 Ca chessa facce toa in'enchie lo core
 De gusto à tutte l'hore :
 Ma dimme Titta, doue iere abbiato?

Tit. Affè Mase, ca iea cercanno a tene.

Mas. Ei là vī che non vaiel
 Moschianno ceà ntuorno, (no.
 Pe chiantareme a l'huorto quarche cuor-

Tit. Chesso à rasso sia ditto,
 E che parole t'esceno da vocca ?
 Mase mio ; po caderete npenzicro,
 Ch'io te facesse tuorto ?
 Ben haggia miezo Puorto,
 Nnanze apra lo terreno
 Tanto no cannarone, e pò me gliotta,
 Nnanze chioua lo Cielo
 Furgole e scoppature ; e me saiette,
 Ch'io dia desgusto a Mase,
 Mase lo coreciello de sto pietto.

Mas. Frate, dico lo vero,
 La gelosia me scanna,
 Saccio ca si no musco,
 E non farrisse cosa da non fare ,

Ma me fa sospicare,
 Ca chella sgrata mia, che me feresce,
 Sparpateia pe te, more, e speresce,
 E cerca muodo, e bia
 D'hauerete a le granfe,
 E se be fusse scuoglio, mentre chella
 Votta, fruscia, e martella,
 Chi sà mò se facesse
 Sto fauzo cecanoccola d'Ammore,
 Che puosto à monte l'ammecizia nostra
 Non te nmarcasse co lo viento npoppa,
 E me facisse la varua de stoppa.
Tit. De chello stà sicuro,
 Ca de me se pò dire,
 Lauda lo Mare, e tenete à la Terra;
 Ca non me nmarco maie,
 Pocca n'haggio nè rimmo, ne temmone;
 Massema pe bocare à sso varcone,
 E se puro io volesse
 (Che non voglia lo cielo)
 Fare sto trademiento à Mase mio:
 Comm'è asena chella
 A eagnare co vno, ch'è nzenziglio;
 E se corre da trocchia a pascarola,
 No le scappa na maglia:
 Vno che stà porputo, ed hà l'agresta:
 Mò nce l'haie catacota,
 Và ea songo le femmene cecia cuoruo,
 Nè traseno a na casa,
 Se non hà buono nieruo,
 Vasta ch'io t'affecuro lo Vasciello,
 E te dongo la fede, ea pe mene
 Puoie ire ad vecchie chiuse,
Puoie

Puoie dormire securo ,
 Ca n'haggio capetale
 Da contentare ncasa la mogliere ,
 Ca se piglio no piso comm' à chisto ,
 N'auzo maie capo, e ne starria ben listo:
 Anze se bè pe forza
 Ammore la pegnessè à chisto pietto,
 A suo sfazio, e despietto
 Io ne la scacarria, e sarria poco ,
 Perche fosse de Mase,
 Ca pe tene starria dinto le brase.

Mas. Se tu da vero Titta me vuoie bene,
 Ed haie piatà, ca st'arma se scarpina,
 Mò se vede, s'e ponuere, ò farina ,
 E soli fatte commo le parole .

Tit. Zenname schirto, e lassa fare a mene .

Mas. Saccio ca sì trincato, e sì trafanq ,
 Perzò voglio, che figne
 D'ammare Lella, e che trafeche tanto ,
 Che scenna na matina
 Co tico a la Marina ,
 E llà te nfrucchie à quarche grotte cella,
 Ch'io me ne venarraggio reto mano,
 E ncagno tuo bello chiano chiano
 Voglio tentare dinto a chello bruoco ,
 Se pozzo iettare acqua à tanto fuoco,
 Tù te sì ghianchiato ,
 Commo mò te pigliasse l'azzedente?
 Che moriue sò chisse?
 Ohimè, cà chisso è nnizio affaie vedente
 Ca tu ncappaste shiuolo à lo busco ,
 Tù nne sì nnamurato.

Tit. De te sò nnamurato, e non vorria

Vederate à sconquasso, ed a roina
Pe l'ammore de Lella,
Tu faie quanto è squasosa, e cianciosella,
O pè dicere meglio ferenzosa,
Che non tè pò vedere manco pinto :
Pe fare la schifosa
Se mettarrà a strillare;
Ecco corre la guardia, e tè n'affuffa,
E quanto tu te vide arrauogliare
Tutto de fune, comm' a manganiello,
Eccote puosto negrecato tene
Dinto li carauottole, ecco siente
Ntimarete na carta,
Ecco ncoppa no ciuccio (arrasso sia)
Co na trommetta nnante iesce na sera,
Tù, tù, chisto se frusta, e ba ngalera.
Mas. Mo l'haie pigliato co ssi filatielle,
Frate mio non n'haie voglia,
Dimmello bello chiaro.
Tit. Frate non te ntosciare,
Ca te lo dico pe lo buono tuio,
Ma pò, Mase mio bello,
Faccio chello, che buoie,
Se bè tremmo de quarche
Doglia de capo, vasta :
Lo Cielo me ne faccia no bosciardo,
Mas. Tù me faie deuentare na cocozza,
De che cosa haie paura ?
Tit. De gran mala ventura,
De na commo se chiamma, che bediette
Co l'huocchie chiuse sta notte a lo scuro,
Mas. E de cchiù me delliegge,
Si gatta, ò sportegione,

Che

Che nce vide la notte?

Tit. Veo n'suonno quanno dormo,
Ed haggio visto cose da sfordire.

Mas. A li suonne nè simmo? oh maro mene,
Ecco fritto lo fecato, hora dillo;
Ca so propio da credere li suonne,

Tit. Non era sciuta ancora
Co li capille, e co la facce tenta
L'Arba d'oro pommiento, e de verzino,
Nè s'osuto era ancora
Lo gallo pe' carcàre la gallina,
Quanno io stracco d'hauere
Tutta la notte, commo spito a biento,
Votato pe' lo licetto,
Co raggia, e co despietto,
Appapagnaie chist'vocchie,
Ed ecco me parette de vedèr
Chella scura de Rosa, chella Rosa,
Che pe' quanto cchiù bote me deciste,
Te voze bene, e tu nè ne voliste,
E pareva che decesse, ah tradetore,
Tradetore, n'emmico
De la carne salata,
Tù s'ì la causa de lo male mio,
Canazzo, perro, nato Nuaruaria,
Tù m'annascunne a Masc,
Ma va non te curare
Ca co' la vita toa l'haie da pagare,
Perche non dice à Masc ca s'ò biua,
E ch'ancora nè v'oglio a sta lucerna?
E s'alle corda, ca me dio la fede
Quann'era peccerella,
Mò commo vole' nguadiare Lella?

Lella, che le vò male ;
 E quanno vede ad'isso
 Pare, che bega le stentina soie ,
 Lella, che pigliarria na mmedecina ,
 Che le facesse vacolare l'arma
 Pe non pigliare ad'isso ;
 Nnante vorria na funa de tre parme,
 Che no lazzo d'ammore,
 E mastro Agnelo fosse l'Imeneo ,
 Che non fosse cod'isso annodecata ;
 E decenno accolline, la scurelta ,
 Pe lo piscioliare , che faceua
 Da libell'vocchie lagreme de fuoco ,
 Pareano repontate de presutto,
 Io mò piatuso de la doglia soia ,
 Pareo, che la volesse conzolare ;
 E diceua accossi, Sore mia bella
 Non ognere sapone pe le scale
 De desperatione, non volere
 Fare no consumato de sta vita
 Co tanto crepa core.
 Chi sà, chi sà se Mase quarche ghinorno
 Non cagne voglia ? isso non hà lo core
 Co lo copierchio de cestunia tuosto ,
 Nè la mamma fù Orza, ò Babuino
 Nasciuto dintro à quarche serua, ò grotta,
 Che mò cò tico tutto nè na botta
 Te se voglia mostrare tanto crudo ,
 Poeca già se pigliaie
 L'accoppatura de le boglie toie ;
 E mentre le decea cheste parole,
 Essa cò na gran furia me parca ,
 Che pigliaua da terra

No

No spruoccolo appontuto
 Pe se mpizzare nmiezo de lo core,
 Ed io ch'esto vedeanno,
 Parca, che la tenesse pè lo vraccio,
 Azzò, che non facesse sto streuerio;
 Essa tiraua forte, ed io tiraua,
 E mentre che faceamo a tira, e molla,
 Me sceto co no strillo,
 Che se sentette fi à lo shiatamone;
 Da tanno songo stato,
 Stoppafatto, ed ammisso,
 Ed haggio gran paura
 De quarche (arrasso sia) mala sciagura;
 Dico, che chessa Lella non sia causa
 De quarche gruosso scioppo,
 Ca non sarria lo male
 Schitto de tene, ma de mè perzinè,
 Chè pe l'ammore granne, e sbesciolato,
 Che te porto, nce tito na carata
 A tutte danne, ed interesse tuoic.

Ma! Sto chiaieto nce mancava,
 Vna ch'è morta, e che te parla n'suonno,
 Te fa sbotà la capo:
 Saie tù commo se scrine?
 Muorte co muorte, e biue co li viue;
 Se Rosa me campana, de me, e d'essa
 Ammore hauerria fatto
 No bello mazzo, commo fosse foglia;
 Ma pò ch'è morta, Dio le denga pace,
 Ed hà voluto ammore,
 Che pe s'auta me fria sempe lo core
 Che buoie mò che te faccia?

Ti, Niente, ma vorria schitto,

Chè

Che na commò se chiamma me decisse,
 Se Rosa fosse viua,
 A chi vorrisse bene à Rosa, ò à Lella?
 Mal. Se Rosa maie moreua,
 Era chiàieto scomputo,
 Ca nullo ne liccava de sta vita,
 Ma dapò, che sta Rosa è lammiccata
 A lo recipiente de na fossa,
 E che m'hagg'io promisto d'autro shiore,
 Se be mò n'autra vo'a
 Sguigliasse lo mazzuoccolo, e la Rosa,
 No nce sarria cchiù taglio,
 E fatto nuouo affittò
 Cò Lella de l' casa de sto core,
 Tanto è peo pe Rosa, che sfrattaie,
 E nce lassaie na chelleta, s'alloga.
 Mò non c'è cchiù remmedio,
 Lella sen c'è ficcata,
 Da miczo, à miezo, e manco li pecune
 La cacciariano fora:
 Perzò se me vuoie bene
 Votta ste' inano, e fa còmmo te dico,
 C'hauarraie gusto affè da buono ammico,
 Tit Gusto, sì de che sciorte,
 Lo gusto, c'ha no ci annannatò à morte.

S C E N A T E R Z A.

Fonzo, Preziosa.

Fon **N** Fine tu te lo gaude, (dice)
 Pro te te faccia, e saie còmmo se
 A gatto vecchiaricello
 Serce tenericello.

Pic.

Pre. O quanta ne sò mpise

Pe testemonie fauze ! ò quant'accise

Pe scagno ? negra mène,

Tant'haggie iuorne tune , e chi lo crede,

Zitto, damme sta fede

Quanto vace, ca priesto vedarrite

Quanno manco penzate

Chello, che non credite ?

Fon. Comm' à dicere mò ? che , ca si prena ?

Si troppo sfatta, chello nò lo creo.

Pre. E lo guaie, che te stocca,

Male penzante, ò Dio che mūno è chisso:

Che non puoie fare bene,

Ch'ogne hommo penza à male !

Gran cosa è chesta, non posso essere io

Senza malitia ammica à sto fegliulo ?

E mentre che se penza

A lo peo ; se penzasse ca lo faccio

Azzò, ch'isso non vaga à mala via ,

Tù saie che munno corre,

Lo Cielo , che lo sape, e che lo bede,

Spero, ca priesto me ne farrà fede.

Fon. Stà zitto Preziosa,

C'haggio ditto burlanno

Cà quarche bora l'hommo

Cerca de spaporare chiacchiaranno

Quarche nchiuso dolore

Dinto lo fodatiello de lo core .

Saie se Mase haue ashiato

Titta, che spierito lo iena cercanno?

Pre. Io non faccio, che n'è per vita mia,

Ma l'loro s'ashiarranno

Pe s'huorte, ò pe sse case,

Ca Mase cerca Titta, e Titta Mase
 Iusto comino la morte de Sorriento,
 Tu à Bico, ed io cò tico.
 Fonzo mio hora fusso
 Couernamette mò, che m'allecordo,
 Ca besogna legare
 Trenta, ò quaranta schiocche de cerasa.
 Fon. Adaso ca te voglio accompagnare,
 E dire chello, ch'assaiè muto mporta,
 A Mase ammico n'ostro.
 Pre. P'Ammore suio, e buostro,
 Farraggio ogue gran chelleta ped'isso,
 Ma co lo nore mio.
 Fon. Faie buono a ghire sempe sarna, e sarna
 Commo chi taglia zeppole a lo Muolo,
 Ca non ncè meglio cosa de lo nore,

S C E N A Q V A R T A.

Gioia, Lella.

Gio. **V**iene ccà, viene ccà scrofa cornuta;
 Tutto lo inorno faie còm' à ca-
 Vide, ca si rescuuta (uollo.
 Troppo leiestra (affè) troppo vernuta;
 Statte a la casa, e fila,
 Guadagnà na panella,
 Non te n'adduone ca si ponerella?
 Lel. Frate non se pò benere, e fescare;
 Ne se pò hauere maie
 La vòtte chiena, e la schiaua mbriata:
 Tu vnoie, che me guadagna
 Lo pane, e che stia nchiusa:
 Commo s'accorda mò chesta zampogna:
 Va

Va ca bisogna fare commo s'usa;
 Ca mò non è bregogna,
 Bisogna pratticare
 P'abboscare la vita;
 Chi pesce vole rodere,
 La coda se vò nsondere;
 Perzò Messere mio, vao sempe ntuorno.

Gio. Se tu vuoie ire ntuorno,
 Và vota no centimmo: io vorria
 Sapere, che guadagne a ghire nistra,
 Guadagnarraie no cuorno,
 Maddamma miette nante, leccarella,

Lel. Io vao pe ssi ciardine,
 Doue ogn'vno haue à caro
 Da fareme piacere: e che me campo,
 Doue coglio no shiore, e doue n'autro,
 E ne faccio no bello grammaglietto,
 Doue piglio no pruno, e no percuoco,
 Doue na fico, e doue no ceraso,
 Secunno ch'è lo tiempo,
 E m'enchio no canistro,
 Accossi echiù guadagno,
 Che se facesse gliommare, ò mataffe
 Tutto quanto lo iuorno.

Gio. Io haggio gran paura
 Ca vaie pe fico, e trouarraie cetrola:
 Voglio dicere mò, ca trouarraie
 Quare' hommo resolute,
 Che bedennote ire à l'huorto fuiò;
 Non te la rompa chessa catarozza.

Lel. Non ncè paura, Tata, a sta montagna
 Tutte songo ammoruse,
 Tanto volese azio

Por.

Portare cose quanta me ne danno.

Gio. O che le venga gotta, e lo mal'anno;
Io non trouo maie nullo,
Che me sputasse ncanna,
Pe me fare da morte forzetare,
A te t'hanno allummata,
E cò duie frutte te vonno ncappare;
E perzò ne'è ssa cortesia pelosa:
Non me dicono à me, beh, Gioia, quando
Ncignammo la fegliola? ed io ne crepo,
E creparraggio si che bò lo Cielo,
Ch'ashie chi vao cereanuo. (diette.

Lel. E chi cirche? **Gio.** No cierto; che per-
Arrauogliato dinto na cartella.

Lel. Era ionta de caso,
Che stea dinto na carta?

Gio. Era n'hommo echiù gruosso,
Ca non songo io: mò si ca la mostarda
Me saglie: tiente razza
Ca se ne ride: accossi lo trouasse,
Comm'era puosto dinto chella carta,
Chi me la deze non era busciardo,
E me disse, à Posileco ashiarraie
Chisto, che stà ccà dinto, e ne sarraie
Ricco, e contento: ma pe' na sciagura
Io perdiette la carta, e la ventura.

SCENA QUINTA.

Preziosa, Gioia, Lelù.

Prez. **G**ioia, Gioia si ccane? (canno.
GHà echiù de n'hora che te vao cer
Gio. Se iettaue lo banno,

E pro-

E prommettiue quarche beueraggio,

Per vita de quant'haggio,

M' hauarrisse trouato.

Pre. Saie la casa de Mase ccà becino?

Ccà ncoppa à stò pennino?

Gio. Lo saccio, e nò lo saccio.

Pret. E cà non canusce autro;

Gio. No lo voglio canoscere, e borria,

Che da me s'arrassasse co lo buono,

Quanto se sente truono.

Pre. Haie tuorto Gioia, ca te vole bene?

Gio. Bene no cuorno: malè è chello bene,

Che non te ioua à niente.

Pre. Te! Mase sempe maie te tene nmocca:

Gio. E no strúzo. Pre. E tra l'autre stāmatina

Magnanno no migliaccio,

Disse, sta fella stipo à Gioia mià,

Gio. Tu me vuoie coffiate,

Na fella de migliaccio?

Pret. Ed è grossa, e chiantata.

Gio. Io mò mecc le scelle,

E neç vao ne no zumpo.

Pre. Và quanto arriue, e mpizze,

Hora mò Lella dica,

S'io le sò bona ammica,

Haggio sbiato patreto, ca voglio

Che t'abbucche cò Titta.

Lel. Da vero? Pre. cierto. Lel. nò lo creto. Pre.

Lel. E' possibele chesso? (ne iuro.

Pret. Ccà becino t'aspetta.

Lel. Ohimmè, non tocco terra de preiezza,

Pret. Autro dicere vuoie,

Quanno tù l'hauarraie le grāfe adduosso

Lel.

Iel. Iarimo mò, bene mio,
 Ca non veo l'horà, che me vega anante
 A chillo bello fato,
 Oh potessimo mone deventare,
 Commo faceano li chille te antiche,
 Non dico Aquila, ò Zinno,
 O serpe, ò crapa, ò scrofa, ò vacca, ò voie,
 Ma bello stammatina
 Deventasse isso gallo, ed io gallina.

S C E N A S E S T A.

Pastale, Fonzo.

Paf. **V**ide Fonzo mio bello,
 Ca non è buono ammico,
 Chi t'accòpagna à quarche malo ntrico,
 Se tu moie bene à Mase,
 Portalo pe lo nietto,
 Ca se à isa Vecaria na vota t'rafe,
 Isso hà pigliato chiunzo,
 Ca se ncappa a lo bisco,
 Tutta la robba mia vace à lo Fisco;
 E tu che le faie spalla,
 Ncè iarraie pe le torza, ca se dice,
 Tanto chi tene, quanto
 Lo chilleto che scorteca, hora ntanto
 Sorca deritto, vi chello che faie,
 Ca me lo sbije, e te ne pentarraie.
 Fon. Haie tuorto à dire chello,
 Figlieto pare na Zitella zita;
 Figlieto stà cchiù manzo de n'agnicello;
 Che è ghiusto quanto à ciereolo cresciuto
 E non hà fatto ancora à secozzune,
 Isso

Isso non vace maie pe ssi pontuane,
Ed è no bello giouene rescuato,
Mal'vocchio no le pozza;
Ched' haie, che faie la vozza?

Pas. M'abbotta lo permone,
Ca me vuoie nzauorrare,
E te pienze, che sia quarche cestone;
Cride ca non ce veo?
C'haggio cosuto l'vocchie?
Non faccio, ch'isso sta muorto, e speru o
Tutto lo iuorno ntorno.
A le pettole de stà, ne'hà mancato
Poco, che no lo dica?
Frusciannome le brache
Co li gatte felippe; chesto propio
Mela farrà sciccare à pilo nmierzo
Sta varua tutta, ca lo veo perduto.

Fon. Anze se troua l'hommo,
Quanno hà bona ventura, ed haue ashiata
Na femmena, ch'è bella, ed è norata.

Pas. S'è chesso, che se faccia;
Vh che le scenga gotta
Nnante ch'isso se ietta de sta sciorte,
Ca cierto è manco male assaie la morte;

Fon. Comm'à dicere mò?

Pas. Non voglio, ò Fonzo;
Ch'isso s'affoche mò, ch'è gioueniello,
Hà tiempo de trasire a chisse guaie.

Fon. Tu sì bieccchio, e non faie
Pascate mio le cose de la Munno,
Mò, ch'è tiennero, e berde, è buono a dare
La chiega à lo legnammo,
Ca quanno è siccò tienelo ch'è sciso.

Pas.

Pas. Non voglio sti conziglie,
 Ogn'hommo se couerna à boglia soia;
 Figliemo a sfazio suo voglio che faccia
 A boglia mia: perzò te prego, ò Fonzo,
 No aiutare li cane à la sagliuta;
 Non agghiognere pepe a la menestra:
 Quanno l'aseno veue, non fescare:
 Saie chello, c'haie da fare?
 Se Mase hà quarche mala ntenzione
 Da buono ammico leualo da pede,
 Dille chesto n'è buono,
 Da chesto ne pò nascere sto male,
 Non ghire pe sta strata, ca non vale.

Fon. Si quanno lo vedesse camminare.
 Pe mala via; ma mentre, che s'abbia
 Pe lo deritto, io laudo quanto face.

Pas. Pe lo deritto nè? bello deritto,
 Mettere a no vetiello
 No iugo accolli gruosso, che nò voie
 Manco lo pò portare.

Fon. Si troppo precoluso
 Paschale mio, mò che sò tennerielle
 Sti vruoccole sò buone pe chiantare
 Dinto a l'huorto d'aimmore,
 Ca subbeto de brocca sò pigliate,
 Lassalo fare, scumpe mò sti guaie,
 Scumpela a la bon'hora
 Isso haggia la moglieie, e tù la nora.

Pas. Hauartaggio la morte, che me schiatta.

Fon. Perche tanto te spiace, che te nuzora

Pas. Non haggio a gusto frate, che s'affa

Pe sboria, e pe crapiccio,
 E che se nprene de na bella facce,

Autro

Autronce vole a Tauola,
 Che lo mesale ianco ;
 Vi'ch' à lo tiempo d'hoie è negrecato.
 Chi se mette sto pìso
 Senza pontelle, haie ntiso ?
 Besognano de chille
 Che faceno cantare li cecate ,
 Autramente si fuso,
 Ca veneno li figlie, e li fettiglie,
 E le doglie de capo , e li remmure,
 Eccote dato pò de cuorpo nterra.
 Sti quattro pile ianche (se ;
 M'hanno mmezzato cchiù de quattro co-
 Vuie altre senza pratteca, e conziglio ,
 Iate à la spertecata,
 Corrite a la mmorrune,
 Commo li caperrune ,
 E non penzate, chello hà da venire:
 A pena li fegliule so smammate,
 Nzorame mamma mia , ca po lo perdo,
 E comm' hà fatto pò la bella cacca,
 Subbeto nce pentimmo :
 Na sera d'allegrezza,
 E ciento anne de guaie, e scontentezza;
 Non voglio mò, che Masc
 Ncappe isso puro à lle rotola scarze,
 E se puro me vene pe erapiccio,
 De darele compagna, (zueo ;
 Io voglio', c'haggia agresta ; ed haggia
 E non sia commo Lella,
 Ch'haue schitto na scuffia, e na gonnella;
 Ca non farria maie casa a doie solara.
 Fon, Haie tti frate à biell'anne
Pe

Pe figlieto, e ped'essa,
Lo cielo te lo cresca.
Vuoie pe quattro tornise,
Mentre n'haie tanta perderè no figlio?
Che se non piglia chessa, se ne corre
Pe l'acqua à bascio, e no lo puoie tenere,
Saie, che sentiette dire
A certe stodiante, l'autro iuorno,
Che le venniète certe ceuza rosse?
Ca l'hommo, c'haue sale a la cocozza,
Deue cercare dote naturale,
Che songo uote, vertute, e bellezza,
Che bale echiù, ca no millanta scute,
Stimma echiù de la robba la vertute,
Se la vuoie nneuenare;
Ca se le daie mogliere, che sia ricca,
Le daie patrona, ogne carrino porta
No carro de soperbia, e d'arbaschia,
E te dice trasenno,
Io t'haggio fatto, e ditto,
Se non era pe me, non te leuaue
Li peducchie da duosso, e ba scorrenno,
Otra che vò la robba, e fuorze fuorze,,
Vò lo manto perzine,
E pe portare pò bello, nnericcato,
Lo corzetto nerespato,
Te lascia senza crespe, e senza maglia;
Ma se puorte à la casa
Na bona pouerella;
Da la priuma matina,
Co no dobretto ianco, ò na gonnella
De tarantola verde, ò ferrannina,
Oko no panno cinto,

O giale

O giallo, ò carmosino,
 Allegra, e grellianno, commo fosse
 Vestuta de nmroccato, ò d'armosino,
 Tutta quanta sbracciata,
 Te laua na colata,
 Fa li rouagne niette comm' argienro,
 Cocina, e fa lo pane,
 E pe la casa stenta comm'a cane,
 Tanto, che lo marito,
 E seruuto da Conte, e da Barone,
 Ma se piglia na ricca l'è guarzone.

Paſ. Si quanno lo marito è no porchiacco
 Ma s'isso cauza vrache, è n'è pacchiano,
 La fa stare a sticchetto.

Fon. Vi ca si ne facisse
 Piezze comm' à tonnina,
 Quanno mazzamauriello le sta neuorpo;
 Sempe fuorfece, fuorfece, fa cunto,
 Le fa la lengua commo taccariello.
 Schitto ch'apre la vocca, oh poueriello,
 Te ietta a facce chello che t'ha dato,
 E nnante che le dia lo primmo vaso
 Lo Zito sfortonato,
 Scotola ca n'è sciso, a la camorra
 A lo ieppone, e manca a l'vfanza,
 Che bastarriano a farete le brache,
 A l'aniello smautato, a la cannacca
 De perne, e granatelle, a lo chianiello
 Lampante, e shiocchiato, a li shioccaglie,
 A cauzette, e attaccaglie,
 Ed altre nase a Napole, che l'hommo
 Meglio è ghire ngalera,
 Che cadere a ste brase.

La Rosa.

C

Paſ.

Paſ. Vi ca n'è tauto, quanto ſe ne dice,
Ca maie mogliere fece pe ſſe coſe
Zitare lo marito a la Vagliua.

Fon. No a la Vagliua, mà a lo Portolano
Pe la Pennata, pocca ſe non haue
La femmena li ſfuorge, ch'eſſa vole,
Oh nigro lo marito,
Ca ſe non v' a lo banco, v' a cornito,
Ed eſſa cò la ſcuſa ca guàdagna,
E cò la capeſciola, e cò la ſeta
Te ſpenne cò la pala la moneta.

Paſ. Na femmena norata, ſeauza, e nuda,
Stace contenta, e ngraſſa.

Fon. Se non te fa vregogna,
Non te fa maie ſeruitio pe deritto;
Non magne muorzo, che te faccia prode;
Sempe le ſiente dire.

Chi m'hà da fare li beſuogne micie,
Lo ſinneco, o lo conte?

Che procedere è cheſſo? io me lo ſonno
Ca tu vorriſſe lo pignato chino,

Ma non ſongo de cheſſe, l'haie ſgarrata,
Ch'à lo vordiello già nō m'haie pigliata.

Nò nò, cà pò cà t'haggio ſpedocchiato,
O criepe, ò ſchiatte, voglio

Sforgiare co le ntrate de la dote;

Non sò cheſſe parole

Stoccate catalane?

Hora fatte paſſare ſs'appetito,

Ca pe l'affezione c'haggio à Maſe

Te dico cheſto, e pàgarria ſtò dito,

Ch'iſſo cagnaſſe voglia,

(glia.

Ca fuorze hauaria ſt'arma manco do-

Paſ.

Pas. O cielo, ò cielo aiuta
 Stò patre sfortunato
 Co sta capo saputa,
 Ch' oie m' hà scelleurellato,
 Va fa chello che buoie,
 Vuò che ne votta mò li vine tuoie ?

C H O R O.

D Vie guste hà chi se nzora,
 Duie guste da sfordire,
 Chi l' hà prouato schitto lo pò dire;
 L' vno la primma notte,
 Che la moglie afferra,
 L' altro quanno l' atterra.

A T T O T E R Z O.

SCENA PRIMMA.

Rosa sotto nome de Titta, Lella .

Tit. **L** Ella me puozze mo vedere acciso,
 S' io non haggio piatate
 De li guaie tuoie, e non ne sento pena,
 Ne schitto chiove a la colata toia,
 Pocca ogn' vno hà la soia .

Lel. O turco rennegato,
 E puoie vedere Lella
 Pe te sparpatiare, e lo consiente ?
 E non te cure niente,
 Che mora? 'e faie l' aurecchie de mercate,
 O puro co sse belle filastroccole,
 E co bone parole, e meia fracete
 Te ne vuoie scire pe la maglia rotta ?

C 2

Ohim-

Ohimè crodele, e commo
 Puorte lo pietto a botta de moschetto ,
 Che no lo spercia niente,
 Quanto cchiù sparo palle de lammiente ?

Tit. Ohimè facce mia bella,
 Tu gualie, ed haie tuorto,
 Ch' a la poteca mia non trouo tafo
 Pe la feruta toia.

Lel. Da te bene la botta, e tu la sana.

Tit. Non pò ferire maie chi n'hà la frezza.

Lel. A te non mancano arme da ferire.

Tit. Videme, ca vao sèpe defarmato.

Lel. Arme sò ss'vocchie, e chesse belle eiglia.

T. Ma ncè māca lo ineglio, e che cchiù mpor-

L. Non te māca autro schitto che piatate. (ta

Tit. Me manca sì, perzò la vao cercanno.

Lel. E tu la mostra a me, ca l'haie trouata.

Tit. Tu simmene a l'arena, e zappe a mare.

Lel. E farraie cossi tuosto, e nerodeluto ?

Tit. Non è perche nō voglio, è ca nō pozzo.

Lel. E chi te tene, ò Core de Nerone ?

Tit. Nullo sape li guaiè de lo pignato

Meglio de la cocchiara, e cride cierto,

Ca t'ammo, e pe l'ammore, che te porto,

Me farria innummia, me farria mesesca,

E zorfariello, ed' esca,

Iatria doue lo Sole fa lo libro

De carneuale nfacce a l'Etiope,

Doue lo viento ioca à mpizzò mpazzo

Co li Munte d'Arena,

Doue Vorcano, e Struonголо ogne sera

Fanno allegrezza, ed ardeno le butte,

Che pigliano de liento a casa cauda,

Com.

Comm' haggio ntiso dire ,
 Ogne ncosa farria pe te seruire,
 Saruo chelleto sulo,
 Ch'è tanto, quanto dare
 No punio ncielo , e me ne faie crepare
 Karma , e lo core , mentre che non pozzo
 Darete sfazione.

Lel. Ohimie , perche me puorte
 Lo mele mmocca , e lo rasulo nmano ?
 N'allisciata de facce,
 E na secozziata a scognamole ?
 Io non voglio, che baie tanto lontano
 A trouare lsi chillete , e lo sole,
 Ma che schitto me lieue da ste pene.

Tit. Lella mia, vole ammore,
 Che non ashie piatà, chi n'hà piatate,
 Chillo Mase scurisso
 More pe tene, e tu lo tiene appiso
 Sempe a la corda, nce lo bole frate,
 Si senza corpa mia
 Truoue lo contracagno , quanto buono
 Faie, se lo piglie, ch'è n'homo de tuono.

Lel. Nnante l'accida tuono,
 Nnaute le scenna gotta,
 Che lo torca, e lo sbotta.

Tit. Non dire chello mò, se nme vuoie bene,
 Ca mentre Mase, ed io
 Simmo na cosa stessa ; le ghiastemme,
 Che manne ad isso, pare che le manne
 A me stisso , ed haie tuorto
 De volere lo muorto,
 D'hauere lo nsauorio, mentre t'amma
 Quanto la vita l'vrmo,

Quanto lo pesce l'acqua,
 Quanto la mosca la sonziuerata:
 Piglialo Lella, e faie lo buono iuorno,
 Se ne lo zeppolie tale marito.

Lel. Affè ca me n'haie muoppeto appetito,
 Nnanze me piglie a me rota de carro,
 E m'escano le bone, e li moruille,
 Rosole santarecce, e li pasticce,
 Scrofole, e tragoncielle,
 Ch'io voglia bene ad autro
 Che à Titta. Tit. Tù nce pierde, (le.
 L'vuoglio, e lo suòno: affe me ne sà à ma-
 Le. Se te sà à male sgrato, ch'io sia viua,
 Mò propio, perche rieste conzolato,
 Me vrociolo da coppa sta montagna,
 E moro desperata.

Tit. Lassa morire a mene, ca te posso
 Dare quinnece, e fallo a li tormiente,
 Chisse tuoie non sò niente,
 Anze te corre nzino
 Lo bene à laua, e tù nò lo canusce.

Lel. E de cchiù me coffie: chisto è lo riesto
 De lo catrino, e chessa
 La ionta de lo ruotolo, ò canazzo,
 Hora pigliate gusto
 Ietta sopra lo cuotto acqua volluta;
 Deuenta lardo, e nzogna de preiezza,
 Ca spanteco vedенno st'uocchie beile:
 Damme la corda cò le fonecelle,
 Famme lo peo che puoie,
 Ca co lo tiempo fuorze
 Gliotterraie tu perzi sti male muorze.

Tii. Io n'haggio scortecato

Lo

Lo cannaruzzo, tanta mè ne gliotto .

Lel. E chi te dace guaie ?

Tit. Tu schitto, tu c'haie puosto
Sto core à lo pollitro, e à le stanghetté
De doglie, e de tormeinte.

Lel. Tu me faie sbariare ,
Commo te do tormeinte
S'io me te dongo, e nō me vuoie pigliare?
E me schife, e te sdigne
Ca te secuto , e sbigne,
E se pe doglia commo ciuccio arraglio,
Tu te miette à l'arecchie l'appilaglio .

Tit. Vasta, ca tù si causa
De quanto pato, tù sola m'haie puosto
Lo celleuriello n'mota,
E s'ardo ad ogne luoco ,
Autro mette le legna, e tu lo fuoco .

Lel. Chelso è parlà ceruone, io nō te ntenno,
Non pesco tanto à funno .

Tit. Io non posso passare troppo nante ,
Te dico schitto ca pè tè me doglio.

Lel. Và ca t'haggio compriso:

Tu me vuoie tanto male,
Che bedereme viua te sà à male :
Ed'io mo tè contento , e teretuffe
Da sta montagna à bascio,
Mo siente de sto cuorpo no fracasso ;
Tienete ca te lasso .

Tit. Ferma, ferma, n'hauere
De l'aseno, stà, stà, ferma figliola ,
O marò mè ca vola,
E s'io non corro forte,
Saura maruzza, e da la mano à morte .

SCENA SECONNA.

Masè, Preziosa.

Mas. **G**ia me l'hà ditto Fonzo, (io,
Ca tu farraie pe me cose de truo-
Te ne rengratio e restote obreçato:
Otra che tu puoie dire,
Chiaietta ca ne licche,
Io te darraggio, basta.

Pre. Non faciette maie chella pe nterese;
Seruo schitto p'ammore
L'ammice, a cose, non perrò de noie.

Mas. Besogna, ch' vna mano laua l'autra:
Saccio, ch'ogne fatica aspetta premmio,
Ma dimme bene mio, che bia porrimmo
Tenere, pe arriuare lo designo?

Pre. Tu si caudo de rine, (a passo.

Mas. Perche ammore me scarfa, Pre. A passo,
Disse Gradasso. Ma Ogn'ora a chi vò bene
Pare cièto anne. Pr. Dimme accossi priesto
Te fece māmā toa? Mas. Vi ch'haggio
Autro che tricche tracche. (ncuorpo

Pr. T'haggio cōpassione. Mas. E se tu l'haie,
Mostrala co l'effetto.

Pre. Affe c'haggio penzato

La mmenzione, io voglio che facimmo

A Lella nò corriuo. Mas. E de che muodo?

Pre. Tu saie ca Lella ha pe golio de Titta
Na ciarantola ncuorpo,
Chemanna spisso fore.
Furgole de iospire.

Mas. Lo staccio, e chesso mò n'è gelosia,
Ma na gratiglia, doue comm' a pesce,
M'arro-

M'arrosto notte, e ghiuorno.

Pre. De Titta n'è d'hanerene sospetto,
Ca t'amma comm'a frate. M. Lo canosco.

Pre. Hora Titta, che dinto de le brase
Se iettarria pe tè : farrà lo miezo,
O che ngrazia le trase,
O c'hagge, ò voglia, ò nò, l'attiento tuo.

Mas. Và ca la gabbe. Pre. Zitto,
C'haggio magnato pane de cchiù forna,
E sò becchia, e trincata de manera,
Che bennarria cient'huommene ngalera,
Conzidera tu mò, s'io potarraggio
Ncappare a la tagliola
Na pouera fegliola,
E chello che cchiù mpotta mnammorata :
Vuoie autro ch'è ncappata ?

Mas. A te m'arreccomanno, tu puoie schitto
Tenere mpastorata,
Che nò scapole, st'arma negrecata.

Pre. Hor'eccote lo patre,
Chi dirria, ca dà st'aruolo destrutto
Nascio stò bello frutto ?

S C E N A T E R Z A

Gioia, Mase, Preziosa.

Gia. S'io mecco mano a fierre,
Vedarraie belle pecore abballare,
Ca no lo manno fi à lo Coliseo
Pe penetrenzia, io voglio à buono à buono
Dicerencello, e pò zufface, e basta,
Io non lia natò de quanta mife
Se n'è la vacè. Mas Gioia, che te sente,

C 5

Ch'

Ch'accossì te lamiente ?

(to,

Gio. Comm' esce l'hommo de lo semme na-
Non se pò chiù zoffrire.

Pre. Respunne Gioia, che t'è stato fatto?

Gio. Na cura co lo muto.

Mas. Ma puro ? Gio. chillo Titta?

Chillo zembrillo, chillo scucciomuccio ,
Mo vierzo la marina

Iea secotanno figliema, che s'io

Lo poteua appedare

Nce la pigliaua bona la mesura

De lo ieppone. Mas. Ohimè che dice? Titta

Secuta Lella, ò puro Lella Titta ?

Gio. Lella và nnante, e Titta và dereto,

Và mò, e te nforma da no letterato

Chi de llozo secuta, ò è secutato.

Pre. E correuano nmiero la marina ?

Gio. Mannaggia chello poco,

Ch'io nò lo ionze , ò Dio ca le voleua

Pesare chillo mullo comm' à purpo.

Mas. Preziosa io sò muorto.

Pre. Commo priesto t'annieghe

Dinto no gotto d'acqua !

Vedimmo nnante doue và a parare

Lo fatto , e quale sia l'occasione ,

E pò tu te lamenta s'haie ragione.

Mas. Non nè cosa cchiù peo che mentre

Tutto caudo d'ammore,

(stongo

Co no serueziale d'acqua fredda

Venga la gelosia,

Pe conzomare chesta vita mia.

Pre. Iammo, non sarà tanto,

Quàto se dice, Mas, Ohimè sto nigro con

Mo

Me sta comao la pece,
 Ma iammo a la ncorrenno,
 Ca se non faccio , commo va lo fatto,
 Me ne vao ciello, e già faccio lo tratto.
 Gio. Iate co l'anno buono , e se pe sciorta
 Vuie l'attriate, non ve sia ncommanno,
 Gridatela ita scrofa ,
 Ch'obbedisca lo Tata, e ve lo dico ,
 Ca cōmo autro non pozzo , la mmardico.

SCENA QVARTA.

Gioia , Fonzo .

Gio. **A** Ffè c'haggio pensato, (care
 Cōmo me pozzo buono venne-
 De ti guzze, che fanno lo moschito
 Ntuorno de la figliola,
 Ne ncappo affè quarcuno a la tagliola.

Fon. Che faie ccà sulo sulo,
 Gioia ? che sfrenesie ?

Gio. Frate, l'haggio co figliema verruta ,
 Che quanto cchiù la guardo,
 E le faccio la spia , e le stò neuollo ,
 Tanto cchiù se sbalestra ,
 E commo cacciottella vace niestra.

Fon. T'haggio compassione ;
 Ma nullo , frate mio, se pò fa mastro
 A le cose d'Ammore.

Gio. Ammore no cetrulo ,
 Se tu mpunte li piede,
 Commo faccio io, pò dire bona notte
 Tirene puro botte.

Fon. A lengua toia non si stato ancóra,

Gioia mia, nnammorato. (fusto.

Gio. Non nce leua acqua ammore co sto
Ca sempe fuie lontano da sti mbruoglie.

Fon. Che mbruoglie ? ed ence chelleta a lo
Cchiù doce, e cchiù gostosa (munno
D'ammore cosa bella?

Che fico ottate, e vua moscarella ?

Che cannamele doce, ò franfelicche ?

Se tu na vota licche

Na scotella d'ammore,

Nō te scuorde maie cchiù chillo sapore.

Gio. Sempe haggio ntiso dire

Ch'è cchiù meglio lo stare ndebetato,

Ch'essere nnammorato,

Pocca ammore è cchiù ntisto

De nà cura d'agusto, ed è cchiù amaro

D'aloia, e dè nascienzo,

Nsomma è no banco, addoue

Co na polisa bella de speranza,

Sempre maie s'arrecoglie

De moneta corrente pene, e doglie.

Fon. Chissè guaie, che tu dice, so lo lardo,

Che danno connemiento a la pegnatà

De l'arma nnammorata.

Gio. Prode le faccia, sēza imidia, io propio

Non ce ne mancio de sse paparotte.

Fon. Ca li pnoce non magnano confiette.

Gio. Ogne streuerio nasce ped' ammore.

Fon. Quāto bene hà lo mūno ha ped'ammore.

Gio. Ammore fa che l'hommo torna secco,

Fon. Anze Ammore fa crescere la carne.

Gio. Sequeta ammore tu, ch'io prego Dio,

Che me ne scanze, addio.

Fon.

Fon. Fermate ; haie visto Mase ?

Gio. Cossi l'hauesse visto

Lupo menaro. Fon. Doue ?

Gio. Titta commo leuriere corre appriello
A la vacca de Lella.

Fon. T'addommano de Mase, e nō de Titta.

Gio. Siente lo riesto : hor'io l'haggio con-
A Mase, e a Preziosa, (tato
Che banno commo furgole ccà abbascio,
Ed io stongo comm' ascio.

Hor su couernamette. Fon. Va connio.

SCENA QUINTA.

Fonzo, Mase.

Fon. **E** Ccolo affe, ca vene, (fato,
Ma se male non veo , vene nzor-
Potta d'aguanno , e comm' è ntossicato,
Pare no stipo d'aloia, e de fele.

Mas. Ne voglio fare piezze ,
E salarelo pò comm' a tonnina,
Canaglia barrettina,
A me sto trademiento ?
A ncantareme Lella ?
A fareme preiore
De quanto haggio sperato ?

Fon. Mase, ched è, che biene nforiato ?
Haie fatto a secozzune ?
So ccà pe tene, e mecco se ne'è ntrico,
Sta vita pe l'anmico.

Mas. Sto nfoscato, che manco t'hauea visto.

Fon. Di , chi t'hà fatto niente ?

Rompimmole li ture,

107

Am-

Ammaccāmole buono li morfiente.

Maf. Nannte che sia stà sera ,
Ne vedarraie la festa.

Fon. De chi? **Maf.** de chi? de chillo tradetore,
De l'ammico fauzario,
Che me vò fare mò no trucco à muccho,
De chillo de doie facce ,
Che na cosa me dice

Da nante, e n'autra me ne fa dereto.

Fon. Frate parlame chiaro , cō chi l'haie ?

Maf. Co Titta, e dille mo da parte mia,
Che co le mano soie se vaga à fare
Lo fuosso, doue l'haggio da chiauare.

Fō. Me mmageno, ched'è, mà n'haie ragione.

Maf. Vuoie, che ne votta craie ?
E' cosa de no lippolo lo ghire
Correnno appriesso a Lella ? che te pare ?

Ton. Non tanto sbrauiare,
Ca se chillo figliulo hauesse tuorto ,
Io stisso mo te lo sficcagliarria,
Hora và fa piacere
A chi no lo canosce , sta a bedere.

Maf. Bello piacere , lo piacere iusto
De lo boia a lo mpiso, (chie.
Che l'accōcia li piede , e chiude l'uoc-

Fon. L'hà fatto pe te dare sfazione:
E mo chi deue hauere , va presone.

Maf. Sfazione, sto mafaro : eh stà zitto ;
E se chella cadeua,
E se faccia no vruognolo a la chiocca?
Ma chesso è niente ; commo po saudare
Chello de se nfrocchiare
Nzieme dinto la grotta ?

Fon.

Fon. Vuoie sentire ? ò te chianto , e mè n'al-

Maf. Parla, e non pepete io (liccio.

Fon. Tù stammatina non pregaste Titta,
C'hauesse fatto de muodo , e maniera,
Che nnante de sta sera

Dinto na grottecella ,

Fosse iuto a ficcarese co Lella ?

Maf. Troppo è lo vero pè lo inorno d'oie:

E lo vero : haie raggione :

Non me n' allecordaua.

Fon. O secozzone mò che pierde tiempo?

Trippa de sette sapate , e che faie ?

Ca voliu adacciare , e nnabissare

Lo pouero figliulo ,

Và chiauale iso naso mo à pezzulo.

Maf. Frate, sò scetuellato, lo confesso :

Sò n'aseno à doie sole ;

La gelosia m'hauca propio cccato ,

Oh ca sò arroinato,

Ohimmè , io m'haggio tutto

Lo gotto, ed io lo pago: ohimè ch'io pago

La pena de l'arore c'haggio fatto.

Fon. De che maniera ? Maf. io stisso m'hag-

Cò l'accetta a lo pede , (gio dato

Pocca mentre so curzo nforiato,

Lella sentenno lo scarponiare ,

Sen'è foiuta dereto na fratta ,

Titta non faccio doue è ncaforchiato,

Tanto ch'è mpeccicato lo filato.

Fon. S'è chesso, addonca Titta nō r' hà bisto?

Maf. Io creò, ca la paura,

E stata vrenna, che le deze a l'uocchie ,

Pe fareme sgarrare la facenna ,

Pe

Pe fare che me mpennua,
 O che pe gran dolore
 Me mpizze chisto spungolo a lo core,
 Fou. Va n'ficcame sso naso
 Doue mè sputaie mamma:
 Hora viene cò mmico,
 Ma stamme ncelleuriello, (lo,
 Non me pigliare cchiù lo strunzo n'buo
 Vi commo te lo dico,
 Ca me corro, e maie cchiù vengo cò tico.

SCENA SESTA.

Rosa sotto nomme de Titta, Preziosa.

Tit. **L**'Erua, che non vorria, me nasce à
 l'huorto.

Quàto me sbroglio cchiù, cchiù sò mbro
 A Mase sò scordata, (gliata,
 Che borria, che m'hauesse nfantasia,
 Da Lella so pregata,
 Che mè dace desgusto, e cardacia.
 Hora vide che bita è chesta mia.

Pre. Tu te cause lo male, che cò tante
 Dicome, e disse, sì la coccouaia
 E de Mase, e de Lella,
 Da subbeto à lo trunco, figlia mia,
 Chesta è posteoma che s'ha dà tagliate,
 Va scommogliate a Mase
 Tunno, e chiatto, io sò Rosa viua, e fana,
 Che nè pò maie venire, autro che bene?
 Scumpela mara tene,
 Ca se n'haie armo tu de te scoprire,
 Io nce lo bogliò dire,

Ven-

Venga
 Lella
 Tit. Che
 Nò nò
 Lassa
 Ed ha
 Pre. Ch
 Chilli
 E tu
 Ma n
 Poco
 Lo st
 Leua
 Ca s
 Ped
 Tu
 Tit. E
 Pre. Se
 Ch
 An
 No
 Stri
 Per
 Fal
 Tit. C
 Mi
 Sen
 Ca
 No
 Pre. S
 Ne
 V
 Ca

Vengane che se voglia

Lella se iarrà d'affanno, e tu de doglia.

Tit. Chello non sia pe ditto,

Nò nò, se mè vuoie bene,

Lassa crescere a tommola ste pene,

Ed haggia gusto Mase.

Pre. Che gusto hà chillo scuro?

Chillo dinto li fiscole stà puosto,

E tu non si de carne,

Ma na statoa de creta mpetenata,

Pocca tanto ostenata tu puoie fare

Lo strauestuto, e non te vene ncore

Leuare l'vuo, e l'autro da dolore,

Ca se Mase se strude

Ped'ammore de Lella, e stace affritto,

Tu nè si causa schitto.

Tit. E comm' io ne so causa?

Pre. Se Mase se penzasse,

Ch'a la fornace de sfo bello pietto

Ancora ncè lo mantece vitale,

Non iarrìa mò ngattimma pe chell'auta,

Strillanno sempe commo fosse Marzo,

Perzò scuoprete, e scompaio ste pene,

Fallo ped'isso, se non vuoie pè tene.

Tit. Ohimè, ca tu non saie

Miezo lo cunto: io propio co st'aurec-

Sento pe bocca foia,

(chie

Ca se bè Rosa fosse viua, e bella,

Non lassarria maie Lella.

Pre. Sò cose, che se diceno, lo Scuto

Non era nterra, e sapato non era,

Vh che schitto te scuopre, e ch'isso vega

Ca lo fuoco è da vero;

Che

Che belle vase a pezzechillo, ò Rosa,
 Ne vuoie zeppoliare,
 E cchiù de quatto ne vonno crepare.

Tit. Lassammo passar hoie,
 Pe na cosa che m'ashio nfantasia:
 Craie pò fa quanto vuoie.

Pre. E craie venire vole.

Tit. Craie sarrà la iornata:
 O che Mase canosca chesta Rosa,
 O ch'io cò ciento spine de dolore
 Faccia critio sto core.

Pre. Perche tanto desppetto?

Tit. Perche tanto haggio fatto
 Pe l'ammore de Mase,
 Che Lella, è già contenta
 D'ausoliare chello, che bò dire,
 Vecco mò parlarranno,
 Chillo che parla commo no Sanzone,
 La votarià comm' argata, e doue hoie
 Alloggiano odio, e sdigno a chillo core,
 Nce portarrà tutte li stiglie ammore,
 Ecco dà doue penne chesta vita;
 Se chella mo se chiega, ed io me rompo,
 S'essa se searfa, io ielo,
 Si se nnammolla, ed io deuento preta,
 S'essa è de Mase, io songo de la morte,
 Ma se pe bona sciorte,
 Ifso n'arriua chello, c'haue nchiocca,
 Io me scopro de brocca,
 E spero, c'hauarraggio
 Io lo marito, e tu lo veueraggio.

Pre. Lo core me lo dice,
 Ca sarrà comm' haie ditto, e cà darraie

La

La cassia

5 C

el H

Votta te

Ca poc

A chille

Doue la

Doue f

Non re

Te vog

laf. Lell

Ca pè

Che, c

La Ro

Che de

Cchiù

Cchiù

Che ne

Che te

Co sa

S'io m

Auzat

Che di

Vno c

Quan

Pe car

Lo po

Cagna

La cassia tratta a tanta pene, e guaie.

SCENA SETTEMA.

● Masc, Lella.

● **H** Ora accommenza a dire, (gliocca,
Conta fi a ciento, e no lassà spa-
Votta le mano mò, che te ncè tocca :
Ca pocca haggio prommiso
A chillo, cò chi tengo lo strommiento,
Doue la voglia mia fù lo notare,
Doue fo ammore iodece a contratto,
Non rompimmo lo patto ,
Te voglio ausoliare.

Mas. Lella, la quale cosa haie da sapere,
Ca pè tè songo sempe tormentato,
Che, commo dice lo dottò Chiaiese ,
La Rota de Sione, ò de Mercato ,
Che de sisefo preta , ò d'arenella ?
Cchiù me tormeinte, ò Lella.
Cchiù me faie fare triuolo; e sciabacco,
Che no a l'arme dannate Parasacco.
Che te pienze de fare,
Co ssa crodeletate ?
S'io moro pe despietto
Auzate da sso nietto :
Che dirranno à Posileco le gente ?
Vno che ammaua Lella,
Quanto l'Aieno l'eiva tennerella,
Pe carestia d'aiuto, e de confuorto,
Lo pueriello è muorto :
Cagna cagna penziero ;

Muta

Minuta minuta registro,
 N'essere causa de la morte raia,
 E' la preta, ch'è tosta,
 E puro la sfrantumma lo sciamarro:
 E' lo fierro ch'è forte,
 E puro lo storzella
 Lo martellare ncoppa de l'ancunia:
 Tù cchiù tosta de vrecchia,
 Tù cchiù tosta de spuonolo, ò sconciglio,
 Cchiù forte de lo fierro, e de l'abrunzo,
 Non te rumpe, ò te chighe
 A li sospire mieie, à li lammiente,
 Che nfettarria na naue de pezziente,
 Vide, se n'haie crodele,
 L'Acchiale de cauallo,
 Ch'è sefeta sta vita,
 Ca stà pe quanto vale, e poco tene,
 Famme tu vacouare cheste pene,
 E sia la n'anna cheffa vocca dece,
 Ca me passa sta frene:
 Autramente me vide, ò bene mio,
 Stenneccchiare li piede, e dire à Dio.
 Lel. Haie ditto mò? si satoro?
 Mas Manco haggio accommenzato,
 Ch'a sfornare le doglie,
 Ch'à lo furno de st'arma Ammore ietta,
 La pala de sta lengua è troppo stretta.
 Lel. Di cō chi te lāmiente? M. Co sti chiuppe,
 Pocca tu nōn me siente. Lel. Io t'ausoleio,
 E nc'haggio na pacienza de crepare.
 Mas. Crepo io dinto, e da fora,
 E da nanze, e dereto,
 E da coppa, e da sorta, e da li late,

Se

Se n
 el. Che
 Mò, c
 Lel. Tar
 Mas. Ste
 Lel. Co
 Sò m
 Che
 Mas. Sta
 A' far
 Tiene
 Ca m
 Che b
 Haie
 E tu
 Lel. S'è
 Ca fa
 Se n'è
 Mas. La
 A la
 Lel. E c
 Mas. Ch
 Lel. S'è
 Mo m
 Azzò
 Zitto
 Mò, m
 Auciell
 Mas. Va
 Ohim
 Ca m
 Lel. E li
 M. Paula

Se n'haggio no vrachiere de piatate.

Lel. Che berrisse da me? Mas. Che me sanasse

Mò, che m'haie stroppiato.

Lel. Tanto che stiaie malato?

Mas. Stongo tocca, e non tocca pè morire.

Lel. Commo si bestiale!

Sò miedeco, ò spitale,

Che t'haggio da sanare?

Mas. Sta grazia schitto è bona

A' fareme passàre ogn' arzedente:

Tieneme schitto mente,

Ca me faie forzetare:

Che besogna autro miedeco? tu cana

Haie tagliato la facce a chisto core,

E tu nce da li punte.

Lel. S'è chesso; haggio paura,

Ca sarraggio zitata

Se n'haie fatto quarera.

Mas. La quarera è già fatta

A la Corte d'Animore.

Lel. E chi ncè testemmonio à sto dellitto?

Mas. Chessa bellezza toia.

Lel. S'è chesso, sarua, sarua,

Mo me n'alliccio, e fuio,

Azzò, che quarche sbirro guatto, guatto

Zitto, e mutto non venga, e senta dire

Mò, mò, tra chiuppo, e chiuppo, cierro, e

Auciello, auciello maneca de fierro (cierro.

Mas. Vasta cà me delliegge, e mè coffic,

Ohim mè, chesto è lo peo

Ca moro, e no lo cride.

Lel. E li muorte non parlano.

M. Parla lo male c'haggio. Lel. E se si muor-
Che

Che serueno s'eruppe, e mmedecine?

Mas. Cerco remmedio conforme lo male,

N'è nfermetà la mia

De miedeco d'aurina, ò speziale,

Ca non haggio abbesuogno de s'eruppe

De dommeno Agostino, ò nfozione,

Na bona cera toa me sanarria,

Non cerco manco restellato, ò torta,

Ne na gallina morta,

Ma na pollanca viua

Me cacciarria d'affanno,

Quanta remmedie scriue

Galeno, e mastro Grillo,

Non me se da na fico;

Vorria schitto a ssa vocca no forzico.

Lel. Tù passe troppo nnanze.

Mas. Chilleto arreto pe te dare gusto.

Lel. Parete che sia iusto

Dire schefienzie a na zitella zita?

Mas. Ed io te dico schitto,

Ca st'arma se ne vola

Lel. E s'è chello, e tu tagliale le scelle.

Mas. Sta vita và pe Mare, ed ha fortuna?

Lel. E tù saruate nterra,

E lega la felluca a quàrche scuoglio.

Mas. E che cchiù bello scuoglio

De te? core de preta, a te borria

Dare lo capo chesta varca mia.

Lel. Hora và dà lò capo a lo mandracchio.

Mas. E tu me tratte propio da vozzacchio,

E non cride sia storia lo tormento

Ch'io zoffro, ma te cride,

Che sia cunto de l'huorco, e te ne ride.

Lel,

Lel. Saccio, ch'è storia, ed è na storia bella,
 Perzò falla stampare,
 Ca pò l'accatto : ntra sto miezo, ò Maf,
 Se tu non puoie sanare,
 Purgate, e se cò chesto no staie buono,
 Cagna aiero, ca starraie cōmo no truono.
 Maf. Cagnarraggio aiero pe ghire a trouare
 Chillo brutto paputo,
 Se mo me mmarco dinto no tauto,
 el. Mmarcate , e pe la posta
 Scriue pò quarche bota.
 Maf. Non te partire ancora,
 Fermatè bene mio,
 Ausoleia n'autro poco ,
 Aspetta meza autr' hora,
 Tanto, che mora , e co sse belle mano ,
 Mano de giglie, e rose,
 Appila de vammace ite pertosa.

SCENA OTTAVA.

Pascale, Rosa sotto nome de Titta.

f. **M**E fiscano l'arecchie,
 Titta mio bello, ca si ncrapicciato
 De Lella, e ca pe chello
 Figliemo desperato
 Cerca de te sgorgiare.
 t. Illo po fare, e sfare
 Potta è patrone de la vita mia,
 Ma lò sospetto c'happe , è giuto à brenna
 E simmo mò cchiù amice assaie, che primo
 Pe leuare a lo tutto quarch' aurore,
 Me songo risoluto

De

De nce la dare a Mase ssa zitella :
 Che te nè pare ? Tit. Buono, ma se chella
 Haue autro ncapo, e no lo pò bedere,
 Commo tu agghiuftarraie li contrapise ?
 Messere mio, tu saie ca si se fanno
 De chiste matremmonie contra voglia,
 Te stanno sempe pò n' parole, e' n' fatte
 Li nigre zite commo cane, e gatte.

Paf. Chello è penziero llozo,

Tu te scominuoglie ca n' haie passione.

Tit. Nce l'haggio, perche Mase è ammico.
 Ed è tanto lo bene, che le voglio, (mio,
 Che non vorria vederelo annegato.

Paf. Le dò buono vasciello,

Da correre borrasca.

Tit. Ed a me manco resta

No suuaro mmarditto de speranza.

Paf. Se te despiace, frate, hagge pacienza,
 Ca non mancano femmene a sto munno,
 Tanto nce fosse grassa de tornise.

Tit. Eh ca tu si lontano,

Haggio autro nchierecuocchio, che Lella,
 Io vorria che penzasse muto bene
 Nnanze a ssa cosa, e po la resoruiffe,
 Mase ancora è fegliulo,
 E no sommarro, che n'è gruosso ancora,
 E' mmardetta che ll'arma,
 Che lo mette a la sarma.

Paf. Non c'è remmediu, io voglio
 Schiaffarele sto piso,
 Azzò mecca la capo a fare bene,
 Ch'cie la vita soia.

Tit. E la morte de Rosa,

Paf.

h. V.
 Sfa
 Ad
 Tit. N
 Non
 Ca
 Fa li
 Paf. Li
 Vole
 Tit. Sa
 Paf. Ch
 La p
 Tit. No
 Col
 Farn
 E di
 Che
 Figl
 Che
 E sa
 Sia
 Ca
 Iffo
 Tit. M
 Paf. Co
 A p
 Va
 Lo
 Ha
 Tan
 Chi
 Tit. E
 Paf. Si
 La

Pas. Vi se nnanze de me tu l'ashie , dalle
Ssa bona noua, e dille , ca io vago
Ad appontare ntutto lo partito.

Tit. Non correre à mmorrare :
Non se fanno sse cose à la ncorrenno ,
Ca la gatta pè pressa
Fa li figlie cecate :

Pas. Li guaie, e maccarune
Voleno essere caude.

Tit. Sarrà cchiù la vregogna de lo riesto!

Pas. Che bregogna ? cà fuorze
La piglia da le ceuze, ò caglientesa ?

Tit. Non dico chello , ma se quanno summo
Co la zita à lo stregnere li sacche,
Farrà la contegnosa,
E dice no lo voglio, no lo voglio,
Che pesce piglie ? Pas. Chiano
Figlio mio , ca la femmena è no pesce!
Che no schifa voccone,
E subeto se pesca :
Sia sulo Gioia da là vanna mia :
Ca s'essa vole fare la schifosa,
Isso se ncricca, e falle quarche ntosa,

Tit. Maie cosa à forza è bona.

Pas. Commo lungo aseno io,
A parlare co parte nteressate !
Va trouatenne n'autra , e non cercare
Lo mmàle commo à Miedeco , ca Mase
Hà la cocozza tosta, e s'isso addora
Tantillo chello, haie tutto
Chillo, che bà seie rana.

Tit. Eh Dio sà de che parlo.

Pas. Si tu parle pe bene, auisaneello ,

La Rosa

D

E già

E già singhe immitato pe la festa
 A fare na cascarda , è na spallata.
 Tit. Vuoie dicere a morire desperata.

S C E N A N O N A.

Gioia , Pascale.

Gio. **H** Aggio fatto spogliare cò grã forza
 Chella gozza de figliema ,
 Pe ncappare à lo bisco quarche aucielo,
 Io mò cossì bestuto commo ad ossa,
 Iarraggio pe ste strate ,
 E se vene quarcuno co la foia,
 Co carizze de boia ,
 Le caccio affè la mala fantasia.

Pas. Vecco chella, che tene
 Figliemo ntanta pene.

Gio. O eccone vno , io voglio
 Votare llà la facce,
 E bedere che dice.

Pas. Oh comm' è beziosa !
 Subbeto, che m'hà bistò ,
 M'hà botato le spalle :

Gio. O commo stongo listò ,
 E se niente me fruscia lo cauzone,
 Zuffete bello ncapo sto mazzone.

Pas. Bommespere sia Lella.

Gio. Da doue vene mo sta segnorìa?

Pas. Respunneme a lo mmanco.

Gio. Doue manca la vocca,
 Responnarrà ben priesto sta sagliocca.

Pas. Merola adaso, ca la via è pretosa ;
 Votame ccà lla facce ,

Che

Che mè piglie na vista. Gio Shiù nō voglio.

Non me toccare eilà , ch'è ciammellotto.

Pas. E chi te tocca ? G. Arrassate hora sùffo.

Pas. Non essere saruaggia figlia mia,

Ca non passa sta sera,

Che de zeppe, e de pesole sarraie

Portata ncafa mia.

Gio. Chi me farrà sta forza ?

Pas. Chi pote, e sacce, ca sarraie sernuta,

Che ne starraie contenta , e conzolata.

Gio. Da vero ? Pas. Cierito. G. E me sarraie

Pas. Commo na figlia mia. (carizze ?

Gio. Commo mogliere, creò ca vorraie dire,

Mò, mò t' agghiufto, e di mò che borrisse?

Pas. Toccarete la mano.

Gio. Nient'autro ? Pas. Che faccio io ?

O diafca nce fallo,

Che fossero li diente,

Nnante de li pariente. (piglia.

Gio. Vienete nzecca. P. Veccome. G. Hora

Pigliate chesto, e torna pe lo riesto.

Pas. Ohimmè, mamma mia bella,

Ohimmè, ca le costate

So tutte fracassate.

Gio. E n'autra vota inmezza

A frusciare le femmene norate.

Pas. Che t'haggio fatto ? ohimmene?

Gio. Volereme sforzare

Na figlia mia, te pare poco chesso?

Pas. Io sforzare ? G. Tu sì, cà n'haggio aurec-

Pas. Io venea , frate, pe lo bene tuo, (chie.

E n'haggio havuto male.

Gio. Lo bene è, cà voliue

- Carriarella nante che sia notte,
 Dinto la casa? Pas. Chello no lo nego,
 Ma co debete muode. Gi. E de che sciorte?
 Pas. Co farela mogliere à Mase mio,
 Che ne stace speruto,
 E mo veneua pede cata pede,
 Pe te trouare, e stipolare nzieme
 Li capitole, e creò de stipolare
 Co morte le cautere, ca so ghiuto,
 Ca m'haie buono sarciuoto:
 Gio. Che sento? oh potta de lo carneuale,
 Frate ha? gio fatto arrore,
 Perdonamello, oh che me sia mmardetta
 Sta mano. Pas. Ohimmè li rine,
 Ca so sfilate. Gio. Chello è proprio male
 C'hāno li vecchie, P. Ohimè ca se ne sēte
 Ogne nieruo. G. Hora chello no lo creò.
 Pas. Aiutame à fofite,
 Gio. De razia, hora fusso, vta vecchio mio,
 Zezzate a chesta preta, e piglia shiato:
 Pas. Ohimmè ca so crepato.
 Gio. Non puorte lo negotio? Pas. O Mase, ò
 A che songo pe tene? (Mase
 Gio. Chello è ca le vuoie bene,
 E perzò si benuto à l'zuorto mio
 Pe fico, ed haie trouato molegnane.
 Pas. Nce sò benuto affè male pe mēe.
 Gio. Te crediue, ch'io fosse
 Quarche Bitella, e m'haie ashiato Toro,
 Ed'io credea che fusse
 No vracco, ò no leuriro,
 Che secotasse Lella;
 Ma pocca iere venuto

Pe

Pe na cosa nerata,
 Io faccio commo vuoie , sia à la bon'hora,
 Pas. Cò autre tanta vrogna
 A sto maro caruso.

Gio. Ohimmè commo si male agorioso
 Zitto, ca starraie buono,
 E ballarrimmo, e pone
 Na mazzecata ncè sarrà de truono.

Pas. Si ballarraggio ca sto buono n'schena,
 Ma di perche diafance
 Te si accossi bestuto?
 Se face quarche farza a lo casale?
 O torna carneuale?

Gio. Iammo à Notare Chilleto che sghizze
 La chella, e pe la via
 Te contarraggio chesta fantasia.

Pas. Lo immale è, ca non pozzo cammenare.

Gio. Vuoie che te porta ncuollo?

Pas. Macare. Gio. Aiosa, cilà vien etennella.

Pas. Fa chiano. G. A l'vuoglio, à l'vuoglio,
 Ca mogliereta pò me porto ncuollo,

C H O R O.

S'Hanc là Gelosia
 Cient' vocchie, io non sia viuo,
 Si chessa non è criuo,
 Doue reuota, e cerne
 A l'arma negra tanta pene eterne;
 Che dico io? s'essa face
 Nciento piezze lo core, a spetta, adaso,
 Mentre ha cient' vocchie chessa è
 Grattacaso,

D

AT

ATTO QVARTO.

S C E N A P R I M M A

Lella, Fonzo.

Lel. **C**He nè vuoie lo strommientò ?
O che chiamme li suone ?

T'haggio ditto, e straditto,

Ca Mase io no lo voglio :

Hora che ferue mo sto frusciamiento ?

Fon. Lella per vita toia,

N tennerisce sto core,

Hagge piatà de Mase.

Lel. Maie à stò core trase,

Ca nè so le sopponete, e catenacce.

Fon. Morrarà lo scurisso :

Lel. Io che ne voglio fare ?

E tu commo nce t rase ?

Chite le benne stè rotola scarze ?

Fon. L'ammore, che le porto,

E lo bedere, ca more pe tene,

Fa che te prega che le vuoglie bene.

Lel. Tu si no buono ammico.

Fon. Songo pè cierto, e boglio fare tanto

Pe deritto, ò pe stuorto, (muorto.

Che Mase t'haggia, ò ch'io nce reste

Lel. Tù si parente à chille,

Che Chiaiese contaie sti iuorne arrero,

Che se chiammano Pizia, e Damone,

E Marcolo, e Shiorella, (dia,

Ma campe cierto assaie cchiù de la mmi-

Cchiù del'Asce de Capua,

Ca non ne mancia ò Fonzo

De ssi frutte, che spera.

Fon. Tu l'haie sgarrata Lella, ca sta sera
Mase senz'autro rompe lo castiello,
Ca patreto, e lo patre so accordate,
Ed hanno già li mbruoglie stipolate.

Lel. Scettute a muodo lloro,
Titta è marito naio,
Ed hà tre mise, che m'hà nguadiata,
Vedimmo chi la vence.

Fon. Titta ? ohimmè, commo ? quanno ?
Che dice ? duorme Fonzo, ò si scetato ?
Titta t'hà nguadiato ?
Ohimmè potta d'aguanno.

Lel. Chisto sbareia, e meglio me ne alluccio.

Fon. Chi è chisto ? oh Dio: donca despriezze
Aspetta, siente, ferma, (Mase ?
O Titta, ò Titta, chi l'hauarria criso ?
Và fidate d'ammice ;
Bella cosa norata ;
Va ca l'haie fatta netta de colata.

S C E N A S E C O N N A.

Mase, Fonzo.

(chie?

Mas. **C**He lammiente me fiscano l'aurec-
S'io non m'haggio cauzate
L'vocchie a la mmerza, chisto pare Fonzo,
E' isso affè, che sulo se gualcia. (zo,
Fonzo ched'haie ? che dice ?
Tu staie tutto sorriesfeto, e sbattuto,
Che cosa t'è sortuto ?

Fon. Niente, no poco d'acqua,

D +

C'hag-

C'haggio vippeto lloco a no pantano,
M'ha schiaffato na doglia de matrone.

Mas. Ohimè, chiammammo priesto
Mammana, ò nciarimatore,
Che leua sso dolore.

Fon. A ca già m'è passato;
E tu commo la passe? staie contento,
Mo che patreto vole, che te nzure?

Mas. Me venarria lo pane commo à shiare,
Se Lella s'accordasse:
Ma primmo creò, ca comm' à li funate.
Farranno le shiummare;
Nuanze quann' è lo vierno,
Le nunole hauarranno l'arenella,
Ch'io sia marito à Lella.

Fon. Te iette à nneuenare.

Mas. Lo core me lo dice.

Fon. E non dice boscia.

Mas. E tu porzì si fatto Nigromante?

Fon. Non c'è negramanzia,
A chello che tu vide, e che tu tuocche!

Mas. E c'haie visto, e toccato?

Fon. Ca simmo duie sōmiere, e ncè facimmo
Da no guzzo mmerdufo coffiare.

Mas. Che, che? Fon. Belle papute!

Efsere puoste mmiezo

Co duie parne de varua

Da no pideto mbraca,

Simmo state già puoste

Dinto no sacco, e non ce n' addonammo;

Io puro me credeua,

Mo che li vecchie s'erano accordate;

Che te ne isse mpoppa,

Ma

Ma te fù fatta la varua de stoppa,

Maf. De che manera ? Fon. Lella

Songo tre mise, che s'è ramaretata,

E l'hà venta pè mano

N'ammico che ne l'hà zeppoliata.

Maf. Chi è chisso tradetore ?

Dimmello, ca lo voglio menozzare

Commo carne adacciata de pasticcio,

Fon. E' chillo, ch'è co tico carne, ed ognà,

Lo sbaruatiello tuio;

Hora va frijetillo.

Maf. Fosse Titta pe sciorte ?

Fon. Haie cogliuto a la primma :

Maf. A mille razie à te che ne si causa,

Donc è la trippa mone, e lo permone,

Che me volue dare à li morfiente,

Ca lo volea strappare ?

Io me n'era addonato,

Ca me facea lo nciegno da dereto,

E sempe ch'io cod'isso,

Spaporaua lo core,

Cagnana de colore,

Che autro testimonio ne voleua ?

S'io tanno l'accedeua,

Era sciuto da stiente,

Mò pè te schitto pato sti tormenti.

Fon. Frate, haie cchiù che raggione ;

Vi s'haie lo cortellaccio,

Fanne chianca de me, ca te dò mpaccio,

Maf. Ah figlio de bagascia

Affe non ne la vaie :

Va, tu da ecà : nò ferma,

Viene cò manico, resta ;

D

le

Io vao da chesta via,
 E tu da chella, aspetta,
 Iammo nzieme, spartimmonce à do
 E chi nnanze lo troua (strat
 Chitto, che maie pe me nce fosse schiuso
 Diale a muodo de serpe a lo caruso.

S C E N A T E R Z A.

Pascale, Gioia.

Pas, **H** Aiela accordata, ò Gioia,
 Sfa be lla figlia toia?

Gio. E' Cetola, ò Chitarra,
 Che tu vuoie che l'accorda?

Pas. Dico se tu l'haie ditto,
 Se vò pigliare Mase?

Gio. Commo l'hà da pigliare,
 Pe la capezza, ò puro pe la coda?

Pas. Diascance nneuinala', io te dico
 S'haie appontato niente?

Gio. Sempe vago appontato,
 E pe non me spontare,
 Porto le brache aperte da dereto.

Pas. Scompimmola; haue ntiso,
 Chello, che d'essa e Mase hauimmo ditto?

Gio. Io creo ca n'hà potuto,
 Sentirene parola,
 Ch'era dinto la casa la fegliola,
 Quando nuie chiacchiarauamo ecà mmie-

Pas. Mò mò nè votto craie: (zo.
 Dico, se tu l'haie ditto ad essa chello
 Che mò nnanze concrusemo fra nuie?

Gio. Si sì, fi à na parola. (ste.

Pas. Ben'haggia agnanno, pocca me ntèni-
 Ebe

E be che le decistè ?

Gio. Ca tu voliue fare no banchetto
De porcelle arrostate, e maccarune,
E migliacce, e shiadune, e sottestato,
Pignato mmaritato, ed oua toste,
E sarache, e ragoste.

Pas. Chello farraggio quanno nguadiammo
Ma essa che decette

Gio. Si na canna de chiaueca, me disse,
No bello cannarone,
Ne pienze ad autro, ch' à ciancoliate,
E à nchirete lo stefano : v' à squaglia,
Sparafonna da ccà, e s' haie gran famme,
Datte à muorzo à le gamme.

Pas. E de Mase, che disse ?

Gio. Vh tanta belle cose.

Pas. Addonca essa lo vole pe marito ?

Gio. La primma vota disse non me piace.

Pas. Maie à primma accertata cade l' aruolo.

Gio. Pò l' altra vota disse, no lo voglio.

Pas. Chi dura vence, e che disse à la terza ?

Gi. Vaga à la forza, e nò me dia cchiù mpac-

Pas. Addonca simmo leste. (cio.

Gio. Còmo sorgente, quànno mazzecammos

Pas. N' è tiempo cchiù. Gio. Perche ?

Pas. Perche è guastato

Lo matremonio : e tanto io me spremeua
A fare no banchetto prencepale,
Quanto figliemo hauesse nguadiata
Sta canazza de figlieta ostenata.

Gio. Pe chello perdarraggio
N' enchietura de trippa ?

Pas. Danne la corpa à Lella,

D 6

Che

Che non se piglia Mase.

Gio. Farraggio che lo piglia.

Paſ. Fatto cheſſo, e tu licca.

Gio. E che buoie ch'eſſa dica? Paſ. Schitto.

Gio. E s'io diceſſe, vuoie (voglio.

Che Mase ſia ſquartato?

Puro ha da dire voglio?

Paſ. Cōmo ſi beſtia! Gio. Toccame la mano.

Paſ. Tu le dirraie, vuoie Mase pe marito?

Ed eſſa tanno haue da dire, voglio.

Gio. T'haggio ntifo, nò cchiù, facimmo
Collatione, e pone (prieſto

Lafſa fare à ſto fuſto.

Paſ. Me contento, hora iammo a lo cellaro,

Ca ne' haggio na crouara de Signore.

Gio. Crouara? ò bene mio.

Cheſſa, e lo mazzacane me commanna.

Paſ. Iammo: ma che greciello

Sento de cca becino?

Gio. Che ne vuoie fare de li fatte d'autro?

Sfilammo da ſta vanna,

Ca Cato diſſe, à li remmure alliccia.

Paſ. Chiano, ca lo remmore va creſcenno.

Gio. Tanto cchiù peo, lo mmeglio è che fa-

Na nfenta de piſciare, (cimmo

E botammo lo vico pe sbignare.

SCENA QVARTA.

Prezioſa, Paſcale, Gioia.

(gliate

Pr. **G**uardia, guardia, pigliatelo, pi-
ſſo marranchino, c'haue acciſo ad

Paſ. Ohimmè chi è ſtato acciſo? (vno;

Gio,

Gio. Gioia da l'appetito che lo scanna,

Pre. Tenitelo, tenite, para, piglia.

Pas. Me pare de canoscere sta voce.

Gio. Che ne vuoie fare tu de sti penziere?

Pas. Zitto, ch'è Preziosa, cilà, ched'haie?

Pre. L'alsafsino de figlieto, lo, n'fammo,

Haue acciso no pouero fegliulo.

Pas. Parla buono, che dice? ca m'affienne.

Gio. Lafsala ire, ca non deue l'hommo

Maie mettere lo pede ad ogne preta,

Pre. Mò corro Nuecaria

A fare na quarera cremenale,

Gio. Falle na secotata

Co na coda de vorpe.

Pas. Chi haue acciso?

Pre. Titta, Dio l'haggia l'arma,

Che co tia v arra, ohimmè, tuffete, raffe

Ne facette li picciole, e chell'arma

Bello se n'hà pigliato li scarpune.

Gio. Iammo Pascale à fa collatione.

Pas. Preziosa mia bella,

Non correre te prego tanto nfuria!

Pre. Voglio che la Iostitia

Faccia lo curzo suo, e lo castiche.

Gio. Attaccale li puorce a le cetrola.

Pas. Ohimmè, ch'è arroinata

La casa mia Gio. E che nce' dato truono?

Pas. Peo de chesso, io so fuso.

Gio. Se magnammo, n'è niente.

Pas. Voglio ire appriesso ad essa,

E fare tanto pe storto, e deritto,

Ch'essa se stenga zitto.

Gio. La magnata e shjoshjata,

Non

Non c' haggio maie ventura,
 Mo me penzaua de n'essere ricco,
 E piglio á la spagnola lo palicco.

SCENA QUINTA.

Lella, Rosa sotto nome de Titta.

Lel. **T**ienete a mene, appoiate a sto vrac-
 Oh sfortonata mene; (cio,

Ca ita propio conciato pe le feste :

Porta rispetto a Mase,

No le dare desgusto,

Pigliate chesso, e torna! pe lo riesto :

Tit. E' cierto, cà me deze Mase mio ?

Lel. Che ne vuoie lo strommiento ?

Tit. Io moro conzolato,

Se Mase m'hà shiaccato.

Lel. Zitto, ca starraie buono ,

E farraie la vennetta co lle mano ,

O cò sta Vecaria.

Tit. Lasso a te la vennetta,

Dalle tu lo castico,

Ch'io l'hanarria da dare ,

Legalo co lle braccia,

Miettelo mpresonia

De chisso bello fino,

E co sta vocca doce

Po lo tenaglia forte,

E dalle chella morte,

Che desia chi vò bene.

Lel. Mo se ncrapiccia, e torna,

Nuanze lo vega mpiso ;

Tit. Ohimmè me ne sent'ire ;

Lel.

Lel Fatt'armo; ò mara mene,
 Ca m'esce da le mano, ò Preziosa,
 Meneca, Carmosina;
 Fossence na vecina,
 Che mo me desse aiuto,
 Vh ca già sen'è ghiuto:
 Titta mio bello, Titta.

Tit. Ched è ? me chiamma Mase ?
 N'è fazio d'vna botta ?
 Iammo Lella mia cara,
 Ca voglio, ch' asseconne,
 Ca tu non te lo cride,
 Nzuoccolo me ne vao, s'isso m'accide.

Lel. Cammina Gioia mia duie altre passe
 A dafillo, adafillo: ecco la casa.

Tit. Iammo, ma non me dire
 Male de Mase, se me puorte ammore,
 Ca tu non pugne ad isso, ma sto core.

S C E N A S E S T A.

Fonzo, Mase.

Fon. **T**V l'haie nzertata à piro, (punc.
 Senz'autro se n'hà cuoto li scar-
 Mas. Pigliese Lella mò lo traderore,
 E mmezze buono chi non hà crianza,

Fon. Commo cieche deritto ?

Mas. Me sape a mmale schitto,
 Ca se trouaie co Lella,
 Che n'hauarrà delgusto.

Fon. La cosa è fatta, ò Mase,
 Mo penzammo a lo riesto, ca se tratta
 De morte d'homo: e mo te vide adduosso
 L'ac-

L'acciaffature : iammo guatte guatte
A chiauarence dinto Mergolino.

Maf. Vance tù, s'haie paura,
Io no le stizzo manco meza nnoglia,
Vengane chello; che benire voglia.

Fon. Non dice buono, frate,
Ca se nce schiaffe dinto, arrasso sia,
Si arroinato co lsa Vecaria,
Schitto che no tantillo
Songo duie de contiesto nzammenate,
E ponno ashiare lo delitto ngennère,
Te fanno no decreto torqueato,
E te songo le braccia storzellate,
Si staie tuosto, e non cante
Vaie n'ausilio a lo mmanco relegato,
Ma s'hauenno lo stommaco ndegiesto,
Apre canna, n'hauenno vommecato,
Tu saglie pe na scala,
E scinne pe na funa,
S'à forza de denare, e de faue,
Non te da nuita casa franca à mare,
Doue sarraie coltritto,
Co na sparmata de vint'otto parme,
Comm' à Mastro de scola,
De fare lo cauallo a li Darfine,
E stare sempe co lo fofamiello
Ntuorno l'vuosso pezzillo.

Maf. Vaga ngalera, sia squartariato,
Non sarrà cchiù dolore
De chisto, c'haggio mò dinto lo core,
Ca poco me ne curo
Mò ché sò bennecato,
De nè morire mpiso, ò tenagliato,

Pe

Potèsse fare mone

Lo riesto d' elsa, che me l'hà causato.

Fon. Auza s'digno lo mantece, ed'allumma,
Mò ch'è tiempo, lo fuoco.

Maf. Ma nō nc' hà corpa manco chella scura,
E' propio c'haggio negra la ventura.

Fon. Priesto mancaie de vullo la caudara.

Maf. Ma puro è troppo sgrata, e scanoscēte,

Fon. Attizza, attizza s'digno.

Maf. Chi sà si se ne pente, e cagna voglia?

F. Co na caudale na fredda iāmo à mitto.

Ma. Meglioè, s'io ne la cacciò da sto core

Fon. Farraie buono pe tè se chesso faie.

Maf. Ma chi la cacciarà, se nc'è mpizzata
Co milianta chiuoue?

Fon. Votala s'argatella de sammuco.

Maf. Fonzo mio sò confuso.

Fon. Apre mò fse pertosa de l'aurecchie,

Saruate mò, c'haie tiempo,

Penza à la vita mò, no a la fegliola,

Ca, no stanno ngaiola,

Ogne cosa s'aggiusta,

Ca pe gran freue c'haggia lo scriuano,

Subbeto sana ontannole la mano.

Maf. Ma non sana la doglia de sto core,

Fon. Frate, lo Sagliembanco de lo Tiēpo,

Venne l'agniento d'ogne nfermetate,

Maf. Che farrimmo? Fon. Fuimmo.

Maf. Chi fuimmo? Fon. La morte.

Maf. Douonca vao l'affronto.

Fon. Mafè tu si mpazzuto,

Viene da ccà, votate ntuorno, e bide,

Si vene nullo appriccio,

Ohimmè

Ohimmè, ca l'ombra mia me pare sbirto,
E chelte pagliuchelle

Me penzo fonecelle, e scale, e forche.

Mas. Scompimmola , e sia priesto , pocca è
Vna morte; ca ciento. (meglio

Fon. Chello che non se proua, non se crede;
Se na vota si mpiso,
Si tu nè tuorne cchiù, me vighe acciso.

S C E N A S E T T E M A.

Pascale , Preziosa.

Pas. **S** lenteme, e pò fa chello che te pare.

Pre. **D**i, ca te sento , sùso.

Pas. Si chisso more senza perdonare,

Non se ne v' de pesole a lo'nfierno?

E s'isso eampa , non è meglio hauere

Mase mio ped'ammico,

Co na bona chiommata de cianfrune,

Che no starence ngruosso , e ncostiane?

Pre. Nce pierde le parole,

Ca non simmo de chisse,

Che bennimmo lo sango pe denare.

Pas. Facitelo p' ammore.

Pre. De dire chello haie core?

Non se pò fare, volimmo vennetta.

Pas. Tiente strega mmardetta,

Falle lo peo che puoie,

Legalo à curto , à l'vtemo Masillo

Non ne sarrà mai mpiso,

Ch'è stato à risso, ed è primmo delitto ,

E bago a pede fitto

Co li tornise a certe ammicce, è basta,

Che

Che me ponno cacciare da'lo fuoco.

Pre. Va ca l'haie sceca , commo si catarchio!

Carta canta ncannuolo

(Dissè lo schiauo) l'hà fatto mpenzato.

Pal. Ncè chelleto pe tutte , e n'esciaraggio,

E sarrà cchiù che ghianca sta colata,

Senza hauerene gratia à na sciaurata:

Pre. Ne miente pe la canna caparrone.

Pal. Io non voglio cò tico apparentare,

Ne dare accasione de guadagno,

Pè tene, a quarche scotola vorzillo :

Spigne puro pedine,

Damme quanto vuoie schiaccio,

Ca non mè miette affè dinto a lo sacco.

Pre. Va che te sia chiauata

Stoccata co no vommaro : ecco st'autra

Scrofa, ch'è causa de tutto sto male.

S C E N A O T T A V A.

Lella , Preziosa.

Lel. **M**E nzonno, ò sto scetata ?
Deno credere a st'vocchie, ed à
ste mano ?

Mo si ca mè so mmeglio mmaritata :

Quanno credea d'aprire lo cascione,

Doue so nchiuse le speranze meie,

Non cè trouo la chiaue;

Quanno credea mmarcareme a lo guzzo

De contiente ammoruse,

Non ce trouo lo rimmo.

Pre. Ched'hà , che se lammenta ?

La voglio ausoliare.

Lel. Vh, ch'è peo'lo corriu de lo riesto.

Hag-

Haggione fatto è ditto, negra mene,
 Pe m'ashiare co Titta à lo steccato,
 E mo lo trouo ntutto defarmato.

Pre. Non faccio che de Titta tataneia,
 Mara me, fosse muorto?

Lel. O commo nce lo bole,
 M'haggio guastato Masc,
 Pe tenereme à Titta,
 Tienete quanto vuoie, ca sò caduta,
 La ventura è fointa,
 Masc non me vò cchiune, ed io già **paco**
 La pena mo de li crapricce mieie.

Pre. Io me voglio nzeccare,
 Pe spiare che cosa n'è de Titta.

Lel. Io sarraggio lo schiecco (co-
 De cchiù de quatto, comm'a mè da po-

Pre. Lella dimme no poco,
 Ched'haie, che te lammiente sola sola?
 E muorto Titta fuorze?

Lel. pe mene è trapassato,
 Ma ped'autro è sanato.

Pre. Che parlare pe lettera me faie?
 S'è biuo, perche chiagne?

Lel. Chiagno lo danno mio,
 E nò lo male suio:
 E gran cosa farrà, ch'io non me mpenna
 Ca la Cetola mia perde la penna.

Pre. Pe na penna faie tanto gualiare?

Lel. Ohimmè sò arroinata.

Pre. Che cosa t'è accascata?

Lel. Quando credea tirare
 Da lo puzzo, ch'è futo de speranza
 L'acqua de cōtentezza, haggio trouato

Mara

Q V A R T O.

21.

Mara mè senza maneca lo cato.
 Pre. Tu parle nfrocecato,
 Dimme che n'è de Titta?
 Lel. Titta stà buono, e n'fatto
 N'è cchiù Titta a lo tatto.
 Pre. T'haggio pescato, ò Lella,
 Vuoie dire ncrosione,
 C'haie trouato iommenta pe stallone?
 Lel. Tu che n'iere nformata,
 No lo potiue dire
 Senza fareme tanto ashieuolire?
 Ne perdere la sciorte?
 Vecchia, scrofa, ianara.
 Pre. Che dice pettolella?
 Vuoie che te piglia mo pè lsi capille?
 Che te voleua dire?
 Lo chiappo, che te mpenna pe sta canna?
 Va ca po te responno à n'autra banna.

S C E N A N O N A

Gioia, Lella

Gio. **E** Ccola ccà sta scrofa, (puoso,
 Pe tè non haggio n'ora de re-
 Pe tè non haggio maie na contentezza
 Mè si rescuita na mala capezza.

Lel. A tiempo si beauto,
 Ca me tiuoue de vena.

Gio. Sbrauerame porzi, ioca decoda.

Lel. Che t'haggio fatto mone?

Gio. Lo peo, che tu haie potuto.

Lel. Mannaggia chi te tocca.

Gio. Lò lsa sta negra vocca,

Sot

- Sto sfortunato ventre
 Lo mmale che m'haie fatto ;
 Sguazzaua a crepa panza,
 Mo sta che nce puoie correre la lanza ,
 Tant' è bacante , e mo m'ashieuole sco,
 Lel. Va magna si ch' abbutte : chi te tene ?
 Chisto è lo gusto mio.
 Gio. Maie muorzo ncuorpo a me st'anno nce
 Si tu non piglie à Mase. (trase,
 Lel. Lo piglio se me vole.
 Gio. Te vole, e cchiù ca vole :
 Schitto manca pe tene .
 Che diche voglio. Lel. Io voglio.
 Gio. S'è chello io lo contento.
 Lel. Io conzolata.
 Gio. Hauarraggio menestra a botta fascio.
 Lel. Ed io lo ciuo che desia sto core :
 Gio. Ventre mio mò t'allarga à sto banchetto.
 Lel. Core mio spaparanza
 Le porte à tanto gusto.
 Gio. Iammonce de corzera,
 Oh che fosse cauallo de la posta.
 Lel. Oh che fosse n'auciello.

C H O R O.

- O** Commio vario a l'hommo
 Ogne cosa foccede,
 Da chello che se crede.
 No cunto fà lo gliutto,
 Disse chill'hommo rato ,
 N'autro lo tauernaro :
 Ma chillo, che da vero
 Sa quanno fà la Luna,
 Be piglia pe lo tuppo la Fortuna,

Sapenno muto bene,
 Ch' à sto munno de mmerda,
 Commo lassaro scritto li sacciente,
 Tanto n' haie, quanto scippe co li diente.

ATTO QVINTO.

SCENA PRIMMA.

Mase, Fonzo.

Mas. **M**E fosse scesa gotta,
 Ed' auzanno la mano
 Pe stracassare a Titta lo caruso,
 Fosse restato tutto de no piezzo,
 Co le ghiorde a le mano,
 Co la cionchia à le braccia, ed a le gāne,
 Co le bottelle à l'vocchie,
 E lo core che deze
 Armo à lo vraccio, e forza à chesta mano,
 Se ne fosse sporchiato
 Da chisto pietto, nante ch'io le desse,
 E sto scuoppo facesse,
 Fon. Ched'haie che mbrosolie? (riello?)
 Ched'haie, che me faie l'vuocchie à piscia
 Tu si felice, e puro te lammiente?
 N' hauè paura niente,
 T'è caduto lo caso
 Ncoppa li maccarune,
 T'è benuto lo pane comin' à shiure,
 Zitto c'haie tuorto mò de regnolare.
 Mas. Anze tuorto hauarria,

S'io

S'io non facesse triuolo vattuto,
 Da che la primmauera
 Face la sauza verde
 A la carne ngrassata de li campe,
 Ed'hà la terra la gonnella penta,
 Fì che lo vierno porta li stiual
 De cordouana ianca.

Fon. Perché? tutte li pise so agghiustate,
 Nuie già de lo Scriuano
 Ontaiemo la mano,
 E perche Titta non fece quarera,
 De muodo, e de manera
 Hà mbrogliate le carte,
 Che la nformatione sta de sciorte,
 Che puoie stare securo de la corte.

Mas. Faccia la corte lo peo, ch'essa pote,
 Che me pò fare maie?
 Ire pe la saccoeciola mpresone
 Co le mano attaccate
 Comm' a mazzo de foglia cò lò iunco?
 E comm' à no latrone
 Trasire à no mantrullo, ò canimarone?
 Dareme corda, fonecelle, e fuoco,
 E cicere, e stanghette,
 Lo pollitro, e la veglia,
 So rose, e shiure, à lo dolore c'haggio,
 Oh cà de doglia arraggio:
 Oh Titta ammico caro,
 Ammico mio saputo,
 Chi credarria ca Mase t'hà feruto?

Fon. Frate la piglie troppo cremmenale,
 Titta, sperammo à Dio, ca starrà buono
 Ca la botta è de sguinzò,

E po cco ciente simprece, e parole
S'è offierto no valente sagliembanco,
De fare che le sosa da ccà n'hora.

Mas. Non credere à parole
De ciarlatane, ohimmè ca lo scurisso
Se ne và pe la posta,
Se piglia li scarpune.

Fon. N'è tanto quanto cride,
Ca parze muorto, ch'era ashienoluto,
E la shiaccata fu trà carne, e pelle,
Mò commo fosse sano parla, e ride,
Decenno cose gratiose, e belle,
Che fa stare le gente à canna apierte.

Mas. Che pò dicere maie, ohimmè lo core,
Se non ca sò n'ammico tradetore?

Fon. Anze sempe addommanna,
Commo staie, doue sine, e prega tutte,
Che te porteno llane.

Mas. Pe me rengratiare
De la saglioccolata?

Fon. No lo dire burlanno,
Ca chello è chello che me fa stopire,
Dice ca vo vasare chella mano,
Cò che tu le rompiste lo caruso,
E sempe dice, ò Mase,
O Mase mio non credere ca t'haggio
N sauuorio, mò che m'haie
Conciato pe le feste, (mostrato
Mò t'ammo cchiù ca maie, pocc' haie
La patronanza c'haie sopra sta vita:
Se sta perzona è teia,
La potiue shiaccate,
Ferite, e chiauchiare:

La Rosa

E

per

Perzò se non te vatta
 La cresta, che m'haie fatta,
 Viene fannene ciento,
 Ca sempe stongo abiento,
 Er'aparo lo capo, e chisto pietto,
 Vier e spacca, e spertosa,
 Ch'ogne ncosa ni'è doce, e nzuccarata,
 Da sta mano fatata.

Mas. E so bergare chesse
 Da nò sperciare, ò Fonzo,
 Lo tauolone de sto nigro pietto?
 O buono ammico quāto cchiù mò sento
 Le parole, che dice a chisso lietto,
 Cchiù me doglio, e me pento
 De quanto fice, e me ne ciepa l'arma.

Fon. Sta zitto, ca sarrite
 Cchiù ammice mò, che maie.

Mas. De chesto scordatenne,
 Non saie commo solca contare Rienzo,
 D'vno, ch'appe ammicitia co no serpe,
 Po pe na defferenzia lo shiacciaie?
 Pentuto l'hommo volea fare pace,
 Nòn nò disse lo serpe,
 Va ca penzanno le cose passate,
 Non sarrimmo maie cchiù bona farina:
 Cossì mò maie nfra nzie,
 Sarrà chella ammecitia ch'era: ò Titta,
 O Titta bello mio, t'haggio perduto.

Fon. Statte zitto, e grielleia,
 Ca sarrite cardasce cchiù che primmo:
 E mo che Lella è toia,
 Subbeto che fa notte,
 Proua lo vino, e smafara la notte.

Mas.

Maf. Lella potarria schitto,
 Mò mancare no tuotolo d'affanno.
 Da lo cantaro de le doglie ch'aggio:
 Ma non faccio che cola
 Me ntrouola lo fango,
 E no vespone: ne sescia l'arecchie,
 E dice, Mase àddoue
 Te si abbiato? addoue
 Te muoue de corzera?
 Tu nce pierde li passe,
 Lella non sarrà toa', se ne crepasse.

Fon. Eh scompinimo sto chiaieto,
 Ca Lella sarrà toia,
 A sfazio de fortuna,
 Va ca patreto aspetta
 Che saglie, e tuocche la mano à la zita,
 Va frate saglie, e basa,
 E ne porta lo chiaieto a la casa.

Maf. Iamino ma stò de sciorte,
 Che non vago à la zita, mà a la morte.

S C E N A S E C O N N A.

Gioia, Preziosa.

Gio **M**O si ca chill' ammico
 Abbotta, commo à tuospo:
 Mo ti ca fa la vozza, e fa bottune,
 Ch'è sciuto de speranza:
 Mò mò saglie lo zito,
 E co la mamma sia de la bon'hora
 Po nguadiammo, è subbeto, ch'è notte
 Se spilatrà la votte,
 Se Titta mo cò tico se consiglia,

E 2

Di

Di che бага à la striglia.

Pre. Cride ca Titta vole bene à Mase,
Ed haue gusto de lo gusto suo:

Gio. So cunte chisse : Dio sapere core.

Pre. Chillo, ch'è buono ammico
Se spoglia d'ogne gusto,
Pe gusto de l'ammico.

Gio. Io haggio ntiso dicere a no cierto,
Ch' a Napole lo chiammano Chiaiese,
Ch'è dottore a doie sole,
Ca doue trase ammore,
Ammore spertecato,
Non c'è legge, amnecitia, ò parentato.

Pre. St'ammore nō alloggia neucorpo à Titta.

Gio. Si ca fuorze è tauerna scarrupata.

Pre. Non amma autro che Mase.

Gio. Vero è, ca le faceva facce lauate,

Ma lauoraua pò sotto coperta,

Pe nce là faie netta de colata.

Và vā ca l'ha sgarrata,

S'isso è caudo d'ammore,

Lo zuco de cecoriā po pigliare,

La conzerva de marua, ò de cocozza,

Sceruppo de porchiacche, e sopra a tutto

L'acqua de cinco nieme.

Pre. Bona rezetta, ma non già pe Titta,
Che a chello non ce penza.

Gio. Hauesse tanta puorce,

Quanta vote ped'essa hà sospirato.

Pre. E non dice boscia.

Gio. Ma ca nce penza, ò spenza,

E' neaparrata già la mercanzia,

Ha sgarrata! a via,

Si

Si se vole nzorare ashienne n'otra.

Pre. N' ha voglia de mogliere.

Gio. Si cierto, eh zitto, a pena sò sporchiate

Li peccerille, ch'auzano li cricche

De se nzorare, s'isso vò ffo gusto

Vaga ped'otra strata,

Pocca ped'isso figliema è sonata.

Pre. A la bon'hora sia:

O sfortonata Rosa,

Va corcate a lo scuro,

Iusto comm' a cepolla haie tu lo core,

Nfraceta dinto, e sguiglia lo dolore.

S C E N A T E R Z A,

Fonzo, Preziosa.

Fon **S** Tirate mò lo vraccio,

Scriuene a lo paese,

L'haie fatta da Marchese.

Pre. Cò chi parle? Fon. Co tico,

Bella proua pè cierto,

Stoiate mò c'haie fatto.

Pre. Non faccio, che te dice.

Fon. Và menate la mano pe lo pietto,

Ca sabbeto me ntienne.

Pre. Tu sbarie poverommo.

Fon. Mò mò lo bedarrimmo,

Se sbarcio, ò se stongo ncelleuriello,

Ca Mase poveriello

Se credeua d'hauere

Na lamma de lo lupo,

Ed è stato no chirchio.

Pre. Quale chirchio, ciarlone? quale lupo?

E 3

Fon.

Fon. Miette lo dito mmocca à ssa ianara.

Pre. Ne miente pe ssa canna,

Fon. Non accade mentire

Ca si scoperta à ramma,

Bella concienza, chillo negrecato,

Non vale pe no quaglio de no cane. (fatto)

Pre. Co chi l'haie? che te piglia? ch'aggio

Fon. Haie poste le pastore à lo pollitro

De Mase scuro, che non dace passo:

Saccio le marcancegne, che saie fare,

Li chiappe de li mpise,

Le beste de figliulo,

Corde dinto l'arciulo,

L'acqua de le noue onne,

Pipatelle de cera,

Sammuco senza frunne,

Argate, e catenace,

Capo de gatte, fane, e pignatielle,

Spite, chiuoue, e cortielle,

Lo forece cecato,

Che face'io mò? vasta ca l'haie legato,

E stà comm' à ceppone

Ntuorno lo focolaro de la zita.

Pre. E lo guaie che te stocca,

Tanto hauisse lo shiato,

Quanto t'esce verdate da ssa vocca,

Fon. N'è lo vero arma cotta?

Va ca se no lo sciuoglie,

Sarraie legata è posta

Pe nzegna a la tauerna de tre legna.

Pr. Dimmène quãto vuoie, ca priesto priesto

Te pentarraie d'haueremello ditto.

Fon. Me pentarraggio cieto,

Ca

Ca non te scogno a punia sti diente.

Pr. Tu passe tropo nnanze.

Fon. Va curre, e mo lo sciuglie ,

Vaua de lo Zefierno ,

Casi nò, brutta vecchia, (chia.

Lo cchiù gran piezzo tuo sarrà l'aurec-

Pr. D'autra mano cchiù forte de la mia

Vene ssa legatura,

Pe-ganetate fuorze (gura.

Male cchiù gruosso , e cchiù negra scia

Fon. Desienne quanto vuoie la causà toia

Ca si cōuēta Pr. E' cosa c'ha da schiudere ,

Da ccà a bello vedere non cè tanto.

Fon. Hà puosto sotto sopra sta montagna ,

P' hauere sta compagna ,

E' ghiuto comm' a pazzo pe la via ,

E d'aruole, e d'auuella

Haueua gelosia ,

E mò, pe quantò mò nnanze m'hà ditto,

Pare cecato, e ciunco.

E la frezza d'ammore è fatta iunco.

Pr. Vi ca quann' vno hà troppo affezione

A la chelleta ammata ,

Quann' arriua à lo ntiento ch'isso vole,

Spisso sortire sole,

Che benenno à lo fatto

Vò tirare de ponta, e dà de chlatto.

Fon. Quarche bota pe pressa

Non afferra lo miccio à lo focone,

Ma leua, miette, acconcia , ed adderizza ,

Vide se nce lo npizza ;

Si bè Mase n'è ghiuto tanto nnanze,

Ma de ire à la zita

E 4

Non

Non ashia maie la via :

Abbesogna, che sia fattocchiaria.

Pre. Affè c'haue quarch'otra fantasia,
E lo pensiero granne è na vorpara,
Che tira l'homme propio doue vole.

Fon. Issò non penza ad autro
Ch' à Lella, e schitto Lella
Lo fa votare commo n'argatella.

Pre. E chi sa mò se penza
A chella Rosa, ch'isso tanto ammaie?
Ammore-viechio non se scorda maie;

Fon. Ogne neuello è biello,
Differo chille de la m'glia antica.
Ammore è comm' à maglio,
Le bellezze sò palle,
Chillo trucca, e ba fore
Sempo la primma, à chi se porta ammore.

SCENA QVARTA.

Masè, Fonzo, Preziosa.

Mas. **I**O resto stoppafatto ;
So isso, ò non so isso?
Dormo ò stongo scetato?
E' lo vero quant' haggio mò sentuto;
O me l'haggio sonnato?
Che cosa in'è sortuto?

Fon. Eilà; che baie facenno?
Haie rutto lo castiello,
Che staie accossi muscio?

Mas. Haggio rutto me stisso,
Ca songo dato de pietto à no scuoglio;
Io songo propio sciuto da li panne.

Pre.

Pre. Che pò essere chesto ?

Fon, Perche ? che t'è sortuto ?

Mas. Io so ghiuto co patremo à la zita,

Se bè tutto tremmanno ;

L'haggio dato la mano,

E ghiuto a no pontone de la casa,

Chiacchiarianno nzieme, io le diceua,

Cana crodele, me n'haie fatte tanta

Co sso core de vrecchia

Co dareme martiello, e gelosia,

Co fare sempe lo capo de sopra,

Mò puro starraie sotto,

Ed io me pagarraggio

De quanto m'haie causato

Dolore, e crepantiglia,

E Titta tuo se pigliarrà la striglia.

Pre. La puerella è ghiuta,

O speranza perduta.

Fon. Ed essa che dicette ?

Mas. Se fece tutta rossa

Commo vampa de fuoco,

Po disse ò nigro tene,

Cecato, che non vide,

E de chi staie geluso ?

De Titta, che non haue

Scopa de vrosca pe scopare l'arma

De le doglie ammorose ?

De Titta che non porta,

Ne otra, ne zampogna,

Pe dare gusto, e spasso à chi vò bene ?

Fon. E che boleua dire à lengua soia ?

Pre. Sacc'io, che boleua dire.

Mas. Vuoielo sapere meglio ?

E s

Da

Dapò mille addemmanne , e filastrocche ,
Facenno iuramiente à quatto mano,
Iuramiente de cane,
M'hà ditto, io so mpazzuto;

Fon. Che t'hà ditto ? Mas. Ch'io songo
Tornato pe na femmena geluso.

Fon. Comm' à dire ? Mas. Ca Titta
E' shiore senza shiore. F. Io non te ntēno.
Mas. Ca Titta è na figliola.

Fon. Benaggia hoie, e che sento !

Pre. Zitto ch'è sciaruogliato lo filato.

Mas. Tant'è , non senza che me stea lo core
Nigro, ca l'hauea fatto chella affesa,
Haggio fatto de l'hon mo ,
Haggio fatto lo brauo
Co na femmena scura,
Co na scura figliola :
E me tremma lo core,
Ed'haggio gran paura.

Fon. De che ? Mas. Vasta, s'è chello, che me
Fonzo mio, songo muorto,
De tuossecò me forchio no fiasco,

Fon. Che dice ? tu si pazzo.

Mas. So pazzo, e cchiù che pazzo,
Cchiù nillà de li pazze.

Pre. Ammore votta, fruscia,
Ca mò propio è lo tiempo.

Fon. Marò me che te fiente ?

Mas. Quanto cchiù bao penzanno',
A la facce de Titta ,
A chella ncornatura ,
Vco propio la fegura,
La facce speccata ,

De

De chella che perdiëtte ,
E te dico na cosa ,
Se Titta n'è mazzuoccolo , ch'è Rosa.

Fon. Chesta lo po sapere.

Maf. Dì Preziosa mia ,
Se puozze stà contenta, e conzolata
Co na bona ventura,
Se chisto Titta è chiaue ; ò chiauatura,

Pre. Pe te dire lo vero ,
Pocca Lella la chelleta ha scoperta,
Io puro la scommoglio,
E faccio no viaggio, e tre seruitie ;
Te leuo da st'angoscia, e chillo core
Farrà na bona cauda à lo varrile,
Ch'era ammuffato de lo primmo amore,
E che Fonzo lo nore
Me faude , e cerche mo la perdonanza
De quant' hà ditto, ca non sò ghianara.

Fon. Te cerco perdonanza, sì pe cierito ,
Ca l'ammore de Mase
M'hà fatto scire de lo semmenato.

Maf. Dimme fore mia bella,
Se sto Titta è cocchiara, ò pignatella,

Pre. Titta è chella meschina
De Rosa sfortonata,
Che te crediue, che fosse annegata,
Che dapò mille stiente,
Tornata male viua à stà montagna,
Te trouaie nnammorato de sta Lella.
Perzò la pouerella
Perdette la speranza
D'essere commo primmo
Lo schiocco de chiss' vecchie ,

Puro voze pigliare quanto potte,
 Piglianno accasione
 De te vedere spisso
 De sentire ssa voce, e se fegnette
 Mascolo, e te se deze ped'ammico.

Fon. Tiente che brauo ammoro!

Mas. O Rosa, ò bella Rosa,
 Ed' era io senza naso,
 Che t'hauea mmano, e nō sētea l'addore?
 Tanto cecato co lo nuouo ammoro,
 Che non te canesciette à lo colore?
 Ohimmè, ohimmè ca moro, e tanto tene
 A lo cuorpo la vita st'arma affritta,
 Quanto ch'ancora creò ca me npapuoc.

Pre. Si nò lo cride, iammo (chic?

Doue stà la dolente

Tutta ontata, e ferente

D'voglio de pereconna, e tremmentina,
 E toccarraie co mano la verdate.

Mas. Perche non me deceua,

Ch'essa era Rosa? ohimmè, m'hà fatto tuor.

Fon. Si, dice buo no Mase. (io.

Pre. Perche tu le deciste,

Ca se be fosse vna,

Non hauarrisse maie lassata st'autra',

E ch'essa nce perdea l'voglio, e lo suòno.

Fon. Hauiste tuorto frate:

Mas. Io happe tuorto, ed io

Pagariaggio la pena de sto male,

Ca canosco l'arore c'haggio fatto,

E me ne pento, ma me pento tardo.

Pre Meglio tardo, che maie.

Mas. O Rosa, ò Rosa mià, ò bella Rosa,

Do

De che mala moneta te pagaie ?
Ch'iere tanto addorosa, e spampanata
Ed to t'aggio sfronnata :
Hora nou me tenite,
Ca voglio ire a morire.

Pre. Se vuoie morire, e doue
Trouarraie meglio morte,
Che nzino à Rosa toia ?

Fon. Dice buono sta femmena da bene,
Iettate à cbille piede,
Falle carizze, e tanta
Gnuoccole e cassesie,
Che te perdona se be non volessa

Pre. Quanno chella se vede.
Mase dinto le braccia,
Se ne và tutta nbruodo, e se be hauesse
La capo tutta vrognota, e pertose,
Senz'autro agniento, e senz'autro stoicello,
Da la vista de Mase sarrà sana,

Mas. E con che facce voglio
Irele nnanze ? ohimmè nō n'haggio core.

Fon. Vance n'haue paura.

Pre. Horstù Rosa, allegrezza,
Ca dapò tanta assaite,
Schitto cò nà rottura de camiso
Piglie sta fortellezza.

Mas. Addonca, ò Preziosa,
Tu me priegge, ca Rosa me perdona ?

Pre. Te preggio, e te ne faccio no stromiceto.

Mas. Hora iammo à la neorza.

Ca lo core fa zumpe, e crapiole,
Pe se ne scire. Fon. Iammo,

Ma che remmore sento, e che greciglio ?

SCE.

S C E N A Q V I N T A.

Gioia, Mase, Fonzo, Preziosa.

Gi. **O** Che scuòppo, ò che danno, ò ch^c
O negrecato Titta (roina^a

Haie fatto propio commo la formica,
Quanno mette l'ascelle pe morire.

Mas. Che dice, ohimmè, de Titta?

Fon. Gioia che cosa ne'cie?

Pre. Ohimmè, lo cielo nce la manne bona.

Gio. O che piatate granne,
O che compassione,
Chiagnarriano le prete de la via?

Mas. Di priesto, ohimmè, di priesto,
Ca stò appiso à la corda.

Gio. Tu non canusce Titta?

Chillo scu ro figliulo,
Che ghica pe sta montagna?

Mas. Che negra accommenzaglia.

Pre. Dio voglia non sia peo la scomperuzzu.

Fon. E be che se n'è fatto?

Gio. Mo propio, mentre io ieuu,
Pe stò pennino ad'auto,
Sento na voce ncupo gualiare,
Io bello adaso, adaso
Me nzecco doue scenu lo lamento:
E bego Titta, che portaua propio
La morte nfacce, che decea chiagnenno,
Azzò che sia legitemo lo iunco,
Cò che v'attacca annmore,
Ecco sta vita more.
Cossi decenno (ohimmè ca tutto tremmo)
Se voze co no chinouo spertosare;

Io che beo chësto corro,
 E de furia l'afferro, ed isso dice,
 Lassame sficeagliare,
 Lassa che spila buono sto connutto,
 Pe doue esca la vita,
 Perche, perche, dico io, Titta vuoie fare
 Sto spreposeto granne?
 Ed isso me decette,
 Pe contentare schitto
 Chillo sgrato de Mase,
 Non voglio cchiù campare,
 Ma de na cosa te voglio pregare,
 Pottale sta cannacca, e st'anelluccio,
 E di, sta redetà te lascia chella,
 C'haie lassata pe Lella,
 E' nchësto commo fosse mastro muccio,
 Se v'rociolaie de sciorte,
 Ch'io non lo puotte tenere afferrato,
 Ed eccolo annegato.

Mas. Auzane chësto, ò sciorte.

O sciorte tradetora,
 Co sto cuorpo haie perciato chisto core,
 Co stò cuorpo è caduta chësta vita.

Fon. Mase. Mas. Ohimmè. **Fon.** Su su Mase.

Torna ntè poueriello, vuoie morire?
 Curre, ohimmè, Preziosa, (petto,
 Piglia acqua, e sbruffancella, aspetta, al-
 Ca pare che retorna, ò Mase, ò Mase,
 Torna ntè stisso negrecato tene
 Ca si sciuto da sinno.

Mas. E doue è l'arma mia?

Decite, à quale vanna e semmozzata?

Gio, Verino à la Gaiola,

Mas,

Maf. Ah Rosa tu si morta, ed io non crepo ?
 Tu te si brociolata,
 Ed io stongo a l'allerta ?
 Tu haie chiuso l'vocchie, ed io manco nò
 Nò nò, voglio morire, (cecò?)
 E benirete appriessò.

Fon. Ferma ferma, ohimmè Dio,
 Chisso vrociola mò pe sta montagna.
 Se nò l' corro appriessò.

Pre. Io perzi venarria,
 Ma vedere sse cose n'haggio core,
 O negra Rosa, ò negrecato Mase,
 Oh che maie non l'hauesse canosciute,
 Pouera creiatura,
 E comm' hauiste ponteca ventura.

S C E N A S E S T A.

Pascale, Preziosa.

Pas. **F**ermate Preziosa, hauisse visto
 Figliemo pe bentura?

Pre. Mò proprio a la ncortienno,
 S'è partuto da ccane, è Fonzo appriessò
 Vace a scapizza cuollo.

Pas. Fuorze vace pe fare, che retorne
 A la zita, da done s'è partuto,
 Senza dicere addio ? Pre. Autro, che zita,
 Figlieto v'è a morire.

Pas. Hora bona pozz' essere, e perchene?

Pre. Perche haenno trovata
 Chella Rosa, a la quale
 Dezzemprimmo la fede,
 L'è stato ditto ca mò pe despietto.

poc.

Pocca s'era nzerato,
 S'è ghiuta à brociolare
 Da sta montagna à mare,
 Ed' isso pe dolore
 Corre a fare lo stisso.

Pal. O sfortunato mene,
 E manco mò le pozzo ire appriesso.
 Ca mò propio s'è tutto lo vrachiere,
 E quant'a no varrile
 M'è scesa la polletta.
 Preziosa mia bella,
 Currenee tu pe mene; e bi se puoie
 Fà quarche cosa bona,
 Ch'io me ne vengo pede cata pede;
 Commo n'haggio trasuta
 Sta cosa, che m'è sciuta.

S C E N A S E T T E M A
 pascale sullo.

E Cco fatta la festa,
 Ecco lo figlio mio ca s'è nzerato;
 Ecco ca s'è corcato,
 Mò si ca vedarraggio li nepute,
 speranze meie perdute,
 Carne meie, sango mio iettato à mare,
 Ed' io voglio campare (munno?
 Pe spremmiento, e pe stimmolo a sto
 No no, voglio morire s'isso è muorto.
 S'isso è muorto dico io? pèza, ch'è muorto,
 Saccio buono, ca chillo s'è annegato,
 Ed' io so sbodellato,
 Che nò le pozzo ire manco appriesso,
 Che

Che penzave de fare
 Capotommole fuorze à lo cortiglio,
 Quanno fantaste, ò figlio?
 O figlio mio gentile
 Bello shiore d'Abrile,
 Figlio che se scennine vierzo Puorto,
 Accrauaccato ncoppa no sommiero
 Pariue canaliro,
 E se zappaue l'huorto,
 Pariue palladino, e mò si muorto,
 Chi te l'hauesse ditto,
 Figlio mio saporito,
 Co doie mogliere a lato,
 Ca de nulla sarresse maie marito;
 Quale mo t'haie pigliato,
 La primma, o la seconna,
 Se te si semmozato sotto l'onna?
 Fortuna tradetora,
 Già me leuaste, ohimmene,
 Chist'anne arreto l'vocchio manco mio,
 Che fù na figlia visciola de st'arma,
 Mò perzi m'haie leuato lo deritto,
 Ch'era Masillo mio,
 Pascale negrecato
 Mò va te nforna, pocca si cceato.

S C E N A O T T A V A.

Gioia', Pascale.

Gio. **P** Ascale, aspetta, aspetta

Pas. Lassame ire, mo che se n'è ntrato
 Lo viento, e pozzo dare qualche passo.

Gio. Aspetta frate, aspetta.

pas.

- P.** Haggio autro caudo mò , cà non de sole ,
Haggio autro ncapo mo, ca non te piéze.
- Gio.** Fermate bene mio,
Quanto liegge sta scritta.
- Pas.** Hora mò chesta è bella :
Non me dare tormento , ca lo ghire
Mporta la vita de no figlio mio.
- G.** Mò tè nè vaie , quanto me vide schitto
Che cosa nè ccà scritto.
- Pas.** Squagliamette da nanze,
Ca si tentatione.
- Gio.** Affe, ca non te lasso ,
Se non me dice che nce stà ccà dintò .
- Pas.** Ohimme, che frusciamiento,
Si na cura d'agusto.
- Gio.** Ca me faie stò piacere che nce pierde ?
- P.** Ca me ntrattiene, e corro co lo triego.
- Gio.** E n'hauarrisse già lietto, e leiuto
No procieffo, quanto hà che contrastāmo?
- Pas.** O cielo, e quante mpiedecche so chiste.
Mostra ccà : ferma, quanto
Io me mecco l'acchiare.
- Gio.** Viato chi sà leiere à lo munno. (viiuo?
- Pas.** Che beo ? che leggo? ohimè so muorto ò
Sò Pascale, ò iacnoco? (pascere?
- Gio.** Che guaie te piglia eilà ? si ghiuto à
- Pas.** Rita figlia à Pascale,
Ch'allattaie Carmosina ?
- Gio.** O Crammosina, ò Rossa,
O Rita , ò ruta, dimme
Che dice sta cartella ?
- Pas.** Dimme lo vero, Lella
E figlia toa da vero ?

Gio

Gio. Commo figlia la tengo.

Pas. Doue l'hauiste ? dimme la verdate.

Gio. A lo casale mio. Pas. Dé doue fine ?

Gio Io songo de Resina,

Addoue stea no bello guagnastrone,

Che se tea sospecanno

Ca se la dea ntallune

Co no cierto Pascale,

Speranno se l'hauesse nguadiata;

Po vistase gabbata

Se la couze, e pe sdigno

Se ne portaie la scrofa mariola

De tre anne la pouera figliola.

Pas. Essa è pe cierto : oh potta de mia vita;

Ma di commo sapiste

Sto fatto ? e che se fece po de chella ?

Gio. Hauarrà fi a dece anne,

Che stanno pe morire

Sfa bona robba, me fece chiammare,

Ed à l'aurecchia me voze parlare,

E disse, eccote chesta peccerella,

E se vuoie guadagnare

No buono veneraggio,

Va la porta à posileco, ccà dinto

Sta carta stace scritto chi è lo patre :

Io mò, che de natura so carnale,

Quanno le ntise dire piscia, e mpumma,

E tata, e cacca, e pappa,

Le mise ammore, e tennela pe figlia.

Pas. E commo pe si mone

Tu non haie sciaruogliata ssa matassa ?

G. Perche quanno veniette a sta montagna,

Nnfroechiaie à no pertuso arrauogliata

Sta

Sta chell'eta, e n'aniello,
Pò da mente me scio doue la mise,
Mò poco nnante chella gatta mia
Sta meza nnoglia n'hauea cottiata,
E pò s'era saruata
A lo stisso pertuso, doue steua
Ssa cartoscella, ed io metto la mano
Pe pigliare la nnoglia,
E troto, ò bene mio, lo fatte feste,
Hora pre vita toia,
Mò c'haie leiuto, dimme
Che cosa nce sta scritto a chessa carta.
Pas. Lella t'è figlia? di proprio lo vero.
Gio. Vuoience le ciaramelle? non te dico
Ca me la deze Carmosina, quando
Me disse, che à posileco venesse,
E me deze sta carta, e chisto aniello?
Pas. Ohimè ca lo canosco,
E dou' è chesta Lella?
Gio. Me creò ca sta à la casa: hora mò dīme
Chello che t'addominanno.
Pas. Va ca mò me ne veugo,
E te do sfatione.
Gio. Viene à la casa mia, vī ca t'aspetto.
Pas. Va ca veugo senz'autro.
Hora mò doue vaie?
Doue curre Pascale?
A bedere, ua figlia bella, e biua,
O à bedere nò figlio scuro e muorto?
Doue me sparto? doue
Adderizzo lo pede? io so confuso,
Non faccio doue ire,
S'à conzolare it'arma, ò s'à morire.

SCH.

S C E N A N O N A.

Preziosa , Pascale.

Pr. **N** Trattienete Pascale,
O poveriello te, ch'arriue à curto.

Pas. E che noua me puorte ,

Da campare , ò morire ?

Pre. Befogna cò pacienza

Pigliare, quanto vene da lo cielo.

Pas. Di priesto è biuo , ò mmore ?

Pre. Vorria, Pascale mio,

Hauere la pepitola à la lingua ,

Pe non te dire chello , ch'aggio visto.

Pas. Tanto che tanto io sògo miezo mmore,

Scumpe tu st'autro riesto.

Dre. Mentre tutta allancata

Correa sudanno nmiero la marina ,

Sento na voce dire, ferma ferma ,

E beo, ca Fonzo secctaua Mase,

Che l'hauua pigliato assaie vantaggio,

E commo fù a la ponta

De no cierto scarrupo,

Che precepedeteia a la marina,

Se lassae ire co la capo abbascio ,

Ed io che n'hauiette amo

Le vederelo, à mate semmozzere ,

Co lo coré cchiù nigro de la pece

So tornata pe darete sta noua

Cchiù ammara de lo fele;

Eccq li belle frutte ,

Che à lo ciardino nasceno d'ammore ,

O pia.

O pietate, ò dolore.

Pal. O pouero *Pascale*

Restato pe spremmiento

A sto munno cecato,

Doue sò deuentato

Na chiaueca maiestra,

Doue vanno le laue

De le desgrazie homane,

O vecchiezza nfelice,

O anne mieie, ò anne

Pe triuole stipate, è ped'affanne.

Pre. Tu si n'hommo che puoie

Dare consiglio a ciento,

Perzò non m'affatico

De consolare no tanto saputo?

Ma siate prominettuto

De pregare lo cielo,

Ch'arrecoglia lo muorto,

Ed à te dia confuorto,

Ca la morte è gabella,

Che non fa nullo franco.

Pal. Hauesselela pagata,

Dinto lo lietto suo, sarria contento.

Pre. Volimmo dare nuie legge à lo cielo?

Pal. Ohimmè mamma mia bella.

Pre. Non sarraie sulo à chiagnere à selluzzo,

Ca voglio io puro chiagnere pe Rosa

Sempe à bita tagliata,

Ca còmo à figlia sempe l'haggio amata,

E mò voglio vedere

S'hanno pescato chillo bello corpo,

Pe farele no vagno

Cò le lagreme mieie; resta conno.

Pal.

Paf. O figlio bello, ò figlio,
Comm' haie fatto sto zumpo,
Perche cadesse chesta vita affritta?
Commo priesto, ò fortuna,
Haie nmescato l'amaro co lo doce
De la speranza de trouare Rita?
Commo priesto a lo bene ashio lo male?
Oh commo m'è nnozzato lo piacere.
O Mase, o Mase mio,
Tu si annegato, ed io non faccio cōmmo
Non m'affoca la doglia; (zato,
Schiecco de l'vocchie mieie, ca si spez-
Lumme de l'arma mia, ca si stutato,
O montagna scontente,
Da doue Mase mio s'è derropato,
Và che singhe sconfitta,
Non ce facciano l'aruole cchiù frutto,
Non cè nascano vruoccole, ne foglia,
L'acqua de uente amara
Li ciardine de uenteno derrupe,
Tane de Sierpe, e Lupe,
E tu maie maruaso,
Che co iso cannarone
Te gliottilte no muorzo accossi bello,
Te ntrouole pè sempe lo scerocco,
Sempe stinghe ntempesta,
Comm' haie muoppeto dinto de sto core
Tempesta de dolore.

SCE-

S C E N A D E C E M A.

Gioia , Pascalc.

Gio. **A** Llegrezza, allegrezza,
O bene mio Pascalc,
Miettete mano à ssa vorza de seta ;
Che te nè cresca la bella moneta ;
Famme lo veueraggio.

Pas. Si ca lo puorco m'haue fatto l'vuouo.

Gio. priesto, ca pò defredda,
Sborza ccà na patacca.

Pas. Hora chesta è la ionta de lo ruotolo :
~~Io stò, che scannaria~~ Scannerebecco ,
E chisto mò me fruscia lo cauzone.

Gio. Senza collera frate
Ca n'è cchiù tiempo de doglia, e desgusto,
Ma d'allegrezza, e gusto.

Pas. Vene pe lo percaccio , ò pe la posta
Sta noua accossi fresca ?
Vattenne frate mio,
Ca me vota la capo ,
Commo li spite à biento à lo Cerriglio.

Gio. Tu te pienze ca burlo ,
Ca te porto na noua
Cchiù nzuccarata assaie ,
Ca non è no cappiello de pasticcio.

Pas. Sò fore de speranza ,
D'hauere maie cchiù bene, ne confuoto,
Fuorze è no pollecino , che m'è muorto ?
Fuorze, è gatto, ò coniglio ?
O figlio bello, ò figlio.

La Rosa.

F

Gio.

Gio. Non chiagnere, stà zitto ,
Preiate mò, grelleia.

Pas. Non farrà maie , ch'io facce ,
Sfortonato Pascale ,
Autro che st'vocchie scorrere canale ;
Facenno sempe maie triuolo, e sciglio ,
O figlio bello, ò figlio.

Gio. Canta de l'allegrezza ,
Zompa de la preiezza.
Pocca lo cielo t'è frate carnale ,
Non chiagnere Pascale.

Pas. Hanno hauuto le sfratto
Da me le contentezze ,
Maie cchiù gusto me piglio,
O figlio bello, ò figlio.

Gio. Tu faie de lo ntosciato ,
Pe non me dare mò lo veueraggio
Pe tale bona noua t'haggio dato ,
Ca figlieto è saruato.

Pas. Che dice ? Gio. No cianfrone,
Ca non è muorto , n'hauere lo gianco.

Pas. Gioia se non me burle ,
Io te dongo sta vita.

Gio. Sta vita non fa vua , no la voglio ,
Damme cinco carrine.

Pas. Ohimè ca se non fosse ,
Ca creò de me sonmare ,
La gran preiezza me farria schiattare.

Gio. Lo veueraggio sùffo.

Pas. Te darraggio chist'vocchie, s'è lo vero.

Gio. Iammo mò, ca lo bide.

Pas. Tanto ch'è biuo propio ? ò bene mio,
E commo s'è saruato ?

Gio.

Gio. Mase hauenno sapuro,
 Ca Rosa, chella Rosa,
 Ch'isso ammaie l'anne arreto,
 S'era pe causa soia
 Precepedetiata dinto Mare,
 Corze pe s'annegare,
 E da coppa no senoglio
 Fece tuppere à bascio.

Pal. E bè, che se ne fece?

Gio. Rosa quanno cadette, ieze à funno,
 Ma cierte, che pescavano vauose,
 Corzero, e la pigliaro pe li piede,
 E pe li piede la tennero appesa,
 Pe farele iettare
 L'acqua c'haueua vippeto a lo Mare.

Pal. Io vorria, che parlasse
 De Mase, e non de Rosa.

Gio. Siente frate si mpona,
 Eccote nchesto Mase
 Co na voce piatosa,
 Da sfrauicare na moraglia antica,
 Decenuo, doue si Rosa mia bella?
 E commo songo stato
 Tanto ncatarattato, (hanuta,
 Che mentre nnante à l'vocchie t'haggio
 Non t'haggio canosciuta?
 Ecco che n'è focciesso,
 Ca tu si morta, ed io mò moro ciesso,
 Hommo non sò ma vuto,
 S'à sto cuorpo non moro ashieuoluto:
 O mostranno dolore cchiù che pozzo,
 Pur' io non me sommozzo.

Pal. E cossi se iettaie? ò figlio, ò figlio.

F 2

Gio,

Gio. Se iettaie sì, ma Fonzo
Pe uo derrupo abbascio
Se vrocioiaie commo no carratiello,
E se le mese sotto dinto mare,
Vestuto, e buono pe te lo saruare.

Paſ. Che ſinghe beneditto,
Vero ammico de core;
E ngraziato ſia lo gran Signore.

Gio. Cride, ca pe ſaruare à Maſe tuio,
E' ſtato mpizzo, mpizzo,
De fare iſſo perzì lo papariello;
Perche Maſe faceva commo Lione,
Pe ſcappare da Fonzo, e ghire nfunno,
Ma Fonzo l'afferraie comm' à no purpo,
E ſe non era buono natatore,
Veueano tutte duie tanno pe ſempe.

Paſ. O figlio deſperato.

Gio. Ntra tanto ecco ca vene
Chella Tartana, doue ſteua Roſa,
Che biſto da lontano
Lo pericolo granne, era corruta.

Paſ. Tu commo te ne' aſhiaſte?

Gio. Era iuto a natare.

Paſ. Che fù la ſcompetura de ſto ntrico?

Gio. Appena era arriuata chella'varca,
Che Maſe canoſcio Roſa a la voce,
Che ſteua gualianno,
Ed accoſſine auzaie ſubbetto capo,
E le paſſaie la voglia de morire,
Pe fare n'autra morte pò cchiù doce.

Paſ. Ohimmene, e che facette?

Gio. Tu ſi caudo de rine, aſpetta, ſiente.
Subbetto pe no rimmo de la varca,

Maſe,

Mase, e Fonzo sagliero, ,
Ed io dereto a lloro ;
E trasuto llà dinto,
Commo no cane corzo,
Figlieto se lanzaie adduosso à Rosa ,
E la mese nsoppressa co le braccia.
E mètre essa perzi lo stregue, e abbraccia,
Pe tanto gusto granne,
Credenno lo scurisso, e la scuressa,
Sparare no cannone, rescio vèssa.

Pas. Io sò à la scolatura de la vita,
Mò caudo, e mò ielato,
E bè, morzero mò pe la preiezza ?

Gio. Non morzero : pe gusto che sentero
L'vno, e l'altro abbracciate ashieuolero ;
Che cò doie stizze d'acqua forzetaro.

Pas. Sia laudato lo cielo , ma sta Rosa
Non morette annegata ?

Gio. Accossi se dicea , ma fù boscia,
Perche steze Ncecilia, e pò venette,
Ch'è poco, e quanno Mase se nzoraie ,
Essa pe desperata s'annegaie.

Pas. Senga la ben menuta ,
C'hà sgarrato n'arore accossi granne.

Gio. E che arore hà sgarrato ?

Pas. Ha sgarrato, ca Mase arrasso sia,
(Vide che bell' arore)
Facea le brutte cose co la sore.

Gio. E commo co la sore ?

Pas. Non saie chella cartella , che me diste ?
Llà leiette , ca Lella è chella Rita
Figliema, che perdiette,
E trouo chille signe, e contra signe.

F ;

Gio.

Gio. Lella addonca t'è figlia? disse buono
 Carmosina, ca ccà steua lo patre,
 E ca me lo farria lo veueraggio:
 Votta sle mano mò, conta fi à ciento,
 Ca me l'haggio cresciuta à mollichelle,
 E benche poveriello
 A no denaro, affe, lo cerasiello.

Pas. Sì, sì quanto vorraie, iammo à trouare
 Lo gioiello de st'arma.

Gio. Iammo, ca nou veo l'hor
 De vedere accordate ste zampogne,
 E che sto ventre, che pare tammurro,
 M'enchia commo na tasca de pezzente,
 Ma vi, vi, quanta gente
 Veneno chesta via,
 So lloro, ò nò? lloro per vita mia.

Pas. Aspettammole ohimmè pòcca so lloro,
 Ca de preiezza io moro.

SCENA V N D E C E M A

Maie, Rosa Fonzo, Preziosa,
 Pascale, Gioia, .

Mas **R**osa mia, t'haggio nmano, e no
 lo creo.

Ros. Ed' a me pare venga
 Lo viento, e me te lene,

Fon. Ecco a tiempo Pascale: Ben trouato.

Pas. Ben menuto, Masillo viene abbraccia
 Tatillo tuio, che s'hauea creduto
 D'hauerete perduto.

Mas. Eccome ccà Messere,

EG

E si credine hauere

Peizo no figlio, mò te n'ashie duie ,

Fù chesta , ed' è cchiù mò lo core mio,

E figlia te sarrà, commo songo io,

S'accolli te piace.

Paſ. Commo se me piace,

S' à chessa le songo obreco n'aterno ?

L'azzetto commo Nora, e cecmano figlia.

Ros. Io te sarraggio sempe

Vaiassa, figlia, eschiaua.

Pre. Cride, ch'è bona figlia ,

Commo lo buono iuorno.

Gio. E beccote ccà Lella.

Paſ. L'allegrezza è comprita,

Mase mio vecco Rita.

Maſ. Quale Rita Messere ?

Paſ. Soreta, che nfasciolla fù arroata,

Ecco l'hauimmo ashiata.

Maſ. Lella addonca era Rita ?

E l'hauca da pigliare pe mogliere ?

Paſ. Tant'è, rengratia Rosa,

C'haue sgarrato tale brutta cosa.

Maſ. O Rosa nzucarata ,

Bello sceruppo mio, contra descenzo ,

Che la vita m'haie data.

Ros. Sò Rosa lammiata,

Co la quale te si lauato l'occhie ,

C'haueuano d'ammore le bottelle ,

Mò si sanato, e bide che faciue.

SCENA DVODECEMA.

Lella , Rosa ; Mase , Fonzo ,
Preziosa, Pascale, Gioia.

Lel. **M** Ara mene , è che sciorite !
Sò mmaretata n'suonno.

Gio. Lella n'zeccate ccane,
Abbraccia chisto vecchio,
Ch'è chillo patre tuo , ch'io iea cercāno .

Lel. E possibele chesso ?

Pas. O figlia cara mia,
E chi non canoscesse
Lo sango suio ? e pò vego a ssa canna
No n'ze gnale de zeppola , che Cianna
Mammata prena a tene happe golio.

Lel. O iuorno beneditto, ca se peido
No marito, guadagno mò no patre :
Pre, Tu guadagne no patre, e no fratiello.

Lel. E chi ? Gio. Chisto t'è frate.

Lel. Haie visto eilà ? m'è frate ,
Se lo patre m'è patre.

Pre. E te sarria marito , a grasso sia,
Sè non correua à tiempo Rosa mia.

Lel. O ca non tocco terra de preiezza :
O patre, ò frate caro.

Mas. Abbraccia puro ò Rita
La Caienatella teia.

Lel. O bene mio, che gusto.

Gio. Autro gusto sarrà quanno magnaammo.

Pre. Te manca lo marito,
Pe fare che lo gusto sia comprito.

Gio.

Gio. Pascale dalle Fonzo.

Pas. Voglio sta vota fare

Commo dice no pazzo,

Ma non farrà pazzia :

Viene ccà figlia mia,

Io tengo à Fonzo n'obbreco ternale,

E borria, s'isso vole,

Che le fusse mogliere, si contenta?

Lel. Chi hà patre, hà patrono :

Pocca è la toia chesta vita mia,

Commo te piace sia.

Pas. Benedetta : e tu Fonzo, che ne dice ?

Fon. Ca so lo cchiù felice

Hommo de sta montagna,

S'haggio tale compagna,

Mas. S'è chesso, tutte hauimmo

Allegrezza pe bennere, e donare.

Pas. Te, toccale la mano.

Gio. Sia à là bona hora.

Pre. Sia da ccà à cient'anne.

Gio. Co sanetate assaie.

Pre. E senz'affanne.

Gio. Co bella rede.

Pre. E co tornise à mucchio.

Mas. Accossi sia.

Fon. Accossi spero à Dio.

Pas. O cielo beneditto,

Che contento me daie ;

Sparafonnate guaie.

Gio. Pe tutte hoie hà cantato lo cuculo,

Pè mè non canta maie.

Mas. E che borrisse frate ?

Gio. Che facisseuo priesto lo banchetto,

Ed

Ed io me nchiessè ncaschio
 De papare, e migliacce à botta fascio.
 Mas. E commo. Pre. Hora apparecchia
 Lo ventre, ca mò è l'ora.
 Fon. Ammolate li di nte, ca mò è tiempo,
 Lo banchetto è becino,
 E puoie fare ssa vocca no molino.
 Pas. Iammo sùssò a la casa,
 Pigliate ò Fonzo Rita,
 Pigliate ò Mase Rosa.
 Gio. E tu viecchio te pig'ia Preziosa,
 E sollececa priesto lo viaggio,
 Ca de la famme arraggio.
 Pre. Maie nullo se despere
 Pe dolore, ed affanne,
 Ca vene cchiù nè n'ora, ca ncient'anne.

C H O R O.

A Mmore hà pè natura
 Non dare gusto maie
 A chi non hà prouate ciento guaie ?
 Non ride se non chiagne,
 Se non sude, non magne,
 Se n'haie doglia, n'haie gusto,
 E se n'haie summo à l'vocchie, n'haie
 l'arrusto.

Scompetura.

5674



5674

BIBLIOTECA

II.a

SCAFFALE...

PLUTEO----

N.° CATENA